


Röpl. 81.





# Der Durchleuchtigsten Hochgebornen frawen/frawen

Marie geborne Königin zu Hispas  
nien zc. Königin zu Hung

gern vnd Behemen zc.

meiner gnedigsten  
frawen.

Ex Museo  
Hungarico

## Gnad n. trost von

Got vnserm vater vnd Herrn Jesu Chri  
sto. Gnedigste fraw Königin/ ich hatte  
mir fürgenumen/ durch frummer leute an  
geben/ *E. R. M.* diese vier Psalmen zu zu  
schreyben/ zur veramung/ das *E. R. M.* solte frisch  
vñ frölich anhalten/ das heylige Gottes wort in Hun  
gerlandt zūfördern/ weyl mir die güte mehr zu kamen/  
das *E. R. M.* dem Euangelio geneygt were/ vnd doch  
durch die gotlosen bischoffe (welche in Hungern mecht  
tig/ vñ fast dē meyste dynne habē sollē) seer verhindert  
vñ abgewendet wurde/ Also/ d; sie auch etlich vnschul  
dig blāt haben vergiessen lassen/ vnd gewaltich wider  
die warheyt Gottes getobet. Aber nun sich in des/ layt  
der die sache/ durch Gottes gewalt vñ verschung/ also  
gekeret hat/ das der Lärche disen tamer vnd ellend hat  
angericht/ vnd das edle junge blāt König Ludwig *E.  
R. M.* liebes gemahel/ nider geschlagen/ hat sich mein  
fürnehmen auch müßer vmbketen. Setzen nun die Bis  
choffe das Euangelion lassen gehen/ so müßte yetz alle  
welt vol geschreyes sein/ das solt er fall vber Hungern  
landt kummen were/ der Luth. *Hen* Fegerey halben/

Welch eyn lestern solt da worden seyn? Wenn sie nun  
wöllen die schuld geben/ inigen sie zu sehen/ Got hats  
(als ich sehe) verweret/ das solch lestern keine ursache  
entstande.

Wie dem allen/ weyl *S. Paulus* schreybt zum *Rō  
mern*/ das die herlige schrifft sey eine trostliche schrifft/  
vñ lere vns gedult/ So habe ich dennoch fort gefaren/  
vñ die selbigen Psalme lassen außgehe/ *E. R. M.* zu trö  
sten (so vil Got vns tröstet vnd güt) in disem grossen  
plöglighen vnglück vnd ellende/ damit der almechtige  
Got *E. R. M.* zu diser zeit heym sucht/ nicht außzorn  
oder vngnaden/ als *r.* ich sollen hoffen/ sunder zu  
züchtigen vnd zu ver. *d.* auff das *E. R. M.* lerne  
trawen alleyn auff den rechten vater/ der im hymel ist/  
vnd sich trösten des rechten Brewt egames Jesu Chri  
sti/ der auch vnser brüder/ ja vnser fleysch vnd blāt ist/  
vnd sich erzeigen/ mit den rechten freunden vnd trewen  
gesellen/ den lieben Engeln/ die vmb vns sind vñ vnser  
pflegen/ Dañ wie wol es *E. R. M.* ein bitterer schwerer  
todt ist/ vnd billich sein sol/ so frue eine witwe/ vnd des  
lieben gemahels beraubt zu werden/ so wirdt doch wi  
derumb die schrifft/ sunderlich die Psalmen *E. R. M.*  
da gegen vil gūts trostes geben/ vnd den suessen/ lieb  
lichen/ vater vnd sun/ gar reichlich zeigen/ darinn das  
gewisse vnd ewiges leben verborgen ligt/ Vnd fürwar  
welchen es da mag hin kummen/ das er des vaters liebe  
gegen vns/ in der schrifft kan sehen vnd fülen/ der kan  
auch leichtlich ertragen/ alle das vnglück/ das auff ero  
den seyn mag. Widerumb/ wer die selbige nicht fület/  
der kan auch nicht recht frölich seyn/ wenn er gleych in  
aller welt wollust vnd freuden schwumme/ Es kan ja  
keinem menschen/ solch groß vnfall widerfaren/ als Got  
dem vater selbs widerfaren ist/ das man seyn liebsten  
kindt für alle seyne wunder vnd wolthat/ zu letzt/ ver  
speyt/ verflucht/ vñ d des aller schendlichsten todts am  
kreuz tödtet/ wie wol ym yeglichen sein vnglück/ das



gröſſeſt dunckt/ vnnnd mehr zu hertzen/ dann Chriſtus  
crenzt/ wenn er gleych zehen crenzte hette erlitten. Das  
macht/ wie ſind nicht ſo ſtard von gedult/ als Got iſt/  
drumb thün vns geringer crenzte mer wehe/ dan Chri-  
ſtus crenzte. Aber der vater der Barmhertzigkeyt/ vnnnd  
Got alles troſtes/wolte E. R. M. tröſten in ſeinem ſun  
Iheſu Chriſto/ durch ſeinen heyligen geiſt/ da ſie diſes  
elendes bald vergeſſe oder doch manlichen tragen kün-  
de/ Amē. Zu Wittenberg am erſten des Wintermonds.

1 5 2 6

E. R. M.

Illiger Diener  
M. Annus Luther.

**Der Siben vnd dreyſſigſt**  
**Psalm/zu tröſten die jenigen/ſo vn-**  
**gedultig ſind/ das die gotloſen vbel thün**  
**vnd doch ſo lange vngeſtrafft in groſſem**  
**glück bleyben.**

**G**ärne dich nicht vber dem böſen/ Sey  
nicht neydiſch vber den vbelthetern.

Wie gleich zu greyſt vnd triſt der prophet des her-  
zen gedanken in diſer anſechtung/ vnd hebt auff alle  
verſach der ſelben/ vnd ſpricht zum erſten. O menſch du  
biſt zornig/ haſt auch verſach/ als dich dunckt/ dann/ es  
ſind böſe menſchen/ vnd thün vnrecht vnd vil vbelſ/  
vñ gehet in dannocht wol/ das die natur achtet redlich  
verſach des zorns hie ſein/ Aber nicht alſo liebes kindt/  
laß gnade vnd nicht natur hie regieren/ Brich den zorn/  
vnd ſtille dich ein kleyne zeyt/ laß ſie vbel thün/ laß inen  
wol gehen/ Höre mich/ es ſolle di nicht ſchaden. So

ſpricht deß der menſch/ Ja wenn wirds deß auff hören?  
Wer mag die lenge halten? Antwortet er.

**2** Denn wie das gras werden ſie bald abge-  
harven werden/ vnd wie das grüne kraut wer-  
den ſie verwelcken.

Eyn feyne gleychnuß iſt das/ ſchrecklich den gleyſ-  
nern/ vnd tröſtlich den leydenden/ Wie fein hebt er vns  
auff vnſern geſicht/ vnnnd ſetzt vns für Gottes geſicht/  
Für vnſern geſicht/ grünet/ blüet/ vnd meret ſich der  
gleyſner hauff/ vnd bedeckt alle welt ganz/ das ſie al-  
leyen etwas ſcheynen/ wie das grüne graß die erden deckt  
vnd ſchmückt.

Aber für Gottes geſicht/ das ſind ſie/ Zew/ das man  
ſchier machen ſol/ vnd ye höher das graß wechſt/ ye ne-  
her im die ſenſſen vnd hew gabeln ſind. Alſo ye höher/  
weyter/ die böſen grünen vnd oben ſchweben/ ye neher  
je vnter ligen iſt/ Warumb wölteſtu dann zürnen/ ſo je  
böſheyt vnd glück ſo eyn Furtz weſen iſt? So ſprichſtu  
deß/ was ſol ich die weyl thün/ woran ſol ich mich halten  
biß das ſolchs geſchehe? Höre zu groſſe verheißunge.

**3** Hoffe auff den **HERRN** vnd thū güts/  
bleybe im lande vnd neere dich im glauben.

Da nimbt er alle vngeultige gedanken ganz das  
hin/ vnd ſetzt das hertz zu rüge/ als ſolt er ſagen/ liebes  
kind/ laß deyn vngeult/ vnd flüche oder wunſche im  
nichts böſes/ Es ſind menſchliche vnd böſe gedanken.  
Seze deyn hoffnung auff Got/ warte was er dir an-  
machen wil/ gehe du für dich/ laſſe vmb niemandes wil-  
len güttes zu thün/ wie du angefangen haſt/ wo vnnnd  
welchen du magſt/ vñ gib nicht böſes vmb böſes/ ſun-  
der güts vmb böſes.

So du aber auch dechteſt/ du wölteſt fliehen vñ an  
eyn ander ort ziehen/ das du je loß wurdeſt vnd von in  
kameſt. Auch nicht alſo/ bleyb im lande/ wone wo du  
iſt



Bist/wechsel oder wandel vmb seint willen nicht deyn  
wohnung oder landt/ Sunder neere dich im glauben/  
treib deyne arbeit/ vnd handel wie vor hyn/ hyndern  
oder beschedigen sie dich/ vnd geben dir vrsache zu flie-  
hen/ so laß faren/ bleyb im glauben/ vnd weyßel nicht  
Got wirdt dich nicht lassen/ thū nur das deine/ arbeite  
vnd neere dich/ vnd laß in walten.

Solt nicht auff hören dich zu neeren/ ob sie dich an  
eynem stück hyndern/ Got/ so du hoffest/ gibst dirs am  
andern ort/ wie er Abraham/ Isaac vnd Jacob thet/ die  
auch also versucht wurden.

4. Haß deyne lust am **HEREN**/ der wirt  
dir geben/ was dein hertz wünscht.

Das ist laß dichs nicht verzeihen/ das Got sie so  
leßt wol faren/ laß die solchen seynen willen wol gefal-  
len/ so vergehet die die vnlust vber der gotlosen glück/  
ja erluste dich drinnen/ als in dem aller besten vnd göt-  
lichen willen/ sihe so hastu dise tröstliche zusagung. Er  
wirdt dir geben alles was dein hertz begeret/ was wiltu  
mer habē? Sihe nūr zu/ das du an stat des verdriessens  
so du von ihnen erschepffest/ übest dise lust vnd wolge-  
fallen in götlichem willen/ so werden sie dir nicht allein  
keyn schaden thūn/ Sunder deyn hertz wirdt auch wol  
frids sein/ vnd frölich warten diser zusagung Gottes.

5. Befelh dem Herren deyne wege vnd hoffe  
auff in/ er wirdts wol machen.

Nicht das du müßig soltest gehen/ Sunder deyne  
wege/ werck/ wort vñ wandel/ den befilh Got/ kere dich  
an sie nicht/ Dann es müß nicht Got also befolhen wer-  
den/ das wir nichts thūn/ Sunder was wir thūn/ obs  
von den gleyßnern versprochen/ verschmecht/ gelestert/  
oder verhindert wirdt/ sol man drum nicht wech wer-  
den noch ablassen/ Sunder ymmer fort faren/ vñnd sie  
lassen iren müßwillen haben/ Got die sache befehlē/ der  
wirds wol machen/ auff beyden seiten/ was recht ist.

6. Vñ wirt deyne gerechticheyt herfür bringē  
wie das liecht/ Vñ dein recht wie den mittag.

Diß ist die größste sorge der weydingen/ das sie  
verdrossen werden vber die gotlosen/ das ire bosshēy so  
scheynet vñ wol gehalten wirdt/ Daß sie sorgen/ ir sache  
werde verdriert vnd verfinstert/ weyl sie sehen der wi-  
der part wüten so hoch faren vñ oben schweben/ Dar-  
umb tröst er vnd spricht/ Laß sein liebes kindt/ das sie  
dich/ dein sache/ mit wolcken vñ plaz regen verdriert  
Vñ im ansehe vor der welt/ gar zu nichte machen vñ in  
finsterniß begraben/ ir sache empor schweben vñ leuchte  
wie die Sonne/ Befilhe Got deinen handel/ hoffest  
vnd wartest auff in/ so se gewiß/ dein recht vñ gerech-  
tigkeyt wirdt nicht im finstern bleyben/ sie müß herfür/  
vnd yederman so offentlich bekant werden als der helle  
mittag/ das alle die zu schanden werden/ die dich ver-  
drückt vñ verdunckelt haben. Es ist nūr vmbs warten  
zūthūn/ das du Got in solchem fūrenemen/ durch deyn  
zūrenen/ vñmüt/ verdriessen nicht hunderst/ Drum ver-  
manet er aber ein mal.

7. Halt dem **HEREN** still vnd laß in mit  
dir machē/ Erzürne dich nicht über dem man  
de n es wol gehet/ vnd thut nach seynem müß-  
willen.

Als solt er sagen/ Es wil dich verdriessen/ das du  
in rechter sachen vñglück empfindest/ vñ thenen in bos-  
shēy wol gehet/ vnd wil nicht wie du gerne wölest/ vñ  
statten gehen/ vñ sihest doch/ das dem vnrechten nach  
allem seinem müßwillen gehet/ das ein sprichwort hier/  
auff geflossen ist/ ye größer schalck/ ye besser glück. Aber  
sey weyse liebes kindt/ laß dich das nicht bewegen/ halt  
auff Got/ deines hertzen begird wirdt auch kummen  
gar reichlich/ Es ist aber noch nicht zept/ Es müß des  
schalcks glück vergehen vñ sein zept haben/ Bist fürher



kumbt/in des müßtu Got Befelhen/in im dich erlusten/  
seinen willen dir gefallen lassen/auff das du seinen wil  
len in dir/vnd in deinem feinde/nicht hinderst/wie die  
thun die nicht auffhören zu wüeten/sie haben dann je  
ding/eintweder mit dem kopff hindurch/oder zu drüm  
mern bracht.

Er brauchet hie eyn seyn Ebreysch wort. Sile et for  
mare ei. Schweyg vnd mach dich schickerlich/gleych  
wie eine frucht in müter leyb sich Got machen leßt/also  
bistū in disem fall auch in Got empfangen/vnd er wil  
dich machen zu rechter gestalt/so du still haltest.

8 Stehe ab vom zorn vnd laß den grym/Er  
zürne dich nicht/das du auch übel thust.

Siehe/wie fleysig warnet er/das wir ja nicht böses  
mit bösem vergelten/nach den bösen volgen vmb iren  
glücks willen/wie die nater pflegt zu treiben/Vnd was  
hilft solcher zorn? Es macht die sache nicht besser/Ja  
füret sie nur tieffer in den schlaam/Vnd obs schon auff  
aller beste geriete/das du oben legest vnd gewunnest/  
was hastu gewonnen? Got hastu verhindert/damit  
seyn gnade vnd gunst verloren/vñ den bösen vbelthet  
tern bistu gleich worden/vnd wirst gleich mit jnen ver  
derben/wie volget.

9 Denn die bösen werde außgerottet/Die aber  
des HERRN harren werde das landt erben.

Es hilfft dich nicht/das du nicht angefangen hast/  
od gereyzt seyst/Daß es ist ein schlecht frey vrtail/wer  
vbel thut/gereyzt oder vngereyzt/der wirdt außgerot  
werden/Das siehet man auch für augen in aller welt/in  
allen geschichten.

Aber wer auff Got wartet/der bleybt/das neben im  
untergeht der vbelthetter/wer nur so lange harren kün  
de/Die bösen menschen sind so gar reiff/das sie nie  
mandt vertreybet/so mügen sie sich selbs nicht enthalte  
ten/sie richten ein müthwillig vnglück an vber iren hals

das sie zusehens vertilget/das das reiff gras/müß hew  
werden/vnd solts an im selbs auff dem stam verdorren  
Es ist ein böser mensch niemandt so vntreglich vñ ver  
derblich als im selbs/das sehen wir an den mördern/  
dieben/tyrannen/vnd der gleichen exempel.

10 Es ist noch vmb ein kleyns/so ist der got  
lose nymmer/So wirstu auffseyne stet achten  
vnd er wirt nicht da seyn.

Das verfleret/was droben gesagt ist/das sie sind  
wie das gras/das schnell abgehawen wirt/da mit vn  
ser vngedult gestillet werde/welche sich fürcht/die got  
lösen bleyben zu lange. Wöchstest aber sagen/Ja ich se  
he wol/das die vnrechten gemeyniglich lang bleyben  
auch mit ehren zum grabe kumen.

Antwort/das geschicht gewislich darumb/das der  
ander teyl sich nicht nach disem Psalm gehalten hat/  
Sonder die sache mit zorn/wüeten/grimmen/klagen/  
vnd schreyen verhindert vnd verderbet hat/Darumb/  
weyl niemand da ist gewesen/der seyn sache Gott Befoh  
len hette vnd seynes willens gewartet/so ist das vnteyl  
des nehisten vorigen vers vber beyde teyl gangen/vnd  
sind vertilget alle sampt/die do vbel than haben. We  
re aber eyn teyl zu Got bekeret/so were doch das ander  
teyl gewislich vnd eylend alleyn vnter gangen/wie die  
ser vers sagt.

Drumb sehen wir yetz dises Psalmen exempel in  
der welt nicht/Denn ein yeglicher leßt Got faren durch  
vngedult/vnd vnterstehet sich mit rechten oder fechten  
zu schützen/damit wirt Got an solchen werck verhin  
dert/das diser Psalm von im prieset.

11 Aber die elenden werden das land erben/  
vnd lust haben in großem fride.

Dis bestetiget auch das droben ist gesagt/wie die  
gerechten bleyben/nach dem verderben der vbeltheter.



Nicht das sie ewig auff erden bleyben/sonder das ir sa-  
che zum ende vnd freiden mit ehren kumpt/auch auff er-  
den/Welchen freide sie mit leyden vnd gedult vn inner-  
lichem freide verdienet haben.

12 Der gotlose diuwet dem gerechten /vnnnd  
beyssset seyne zeene zusammen vber jr.

Das ist aber zu trost den weychlingen gesagt / die  
der gotlosen toben nicht wöllen leyden/vnd verdreust/  
das sie Got nicht bald strafft vnd so wol dazü gehen  
lest. Ich nenne impium eyn gotlosen/denn es heysset ey-  
genlich den /der auff Gott nicht trawet noch glaubt/  
der aus jm selbs vnd seynem freyen willen/nach in der  
natur lebt/als denn sonderlich sind die gleyfner/die ge-  
lerten vnd scheynende heyligen/als zu vnsern zeiten sind  
Päpff/Bischöff/Pfaffen/Älten/Doctores/vnd des  
gleychen volcks/welch von natur müssen wüeten wiß  
dß heylig Euangelion/als wir sehen/das sie auch wey-  
dlich thun/Aber was hilfft sie jr wüeten vnnnd tobent  
höre was da folget.

13 Aber der **HER** lachet seyn/Denn er si-  
het das seyn tag kumpt.

Wie möcht vns eyn stercker trost geben werdē/das  
die wüetende feinde der gerechten /alle ire macht vnd  
bosshert für wenden/maynen mit ganzem ernst den ge-  
rechten (das ist den glaubigen vnd Got) mit zeenen zu-  
reissen/vnd Got sie so gar veracht/das er jr lacht/Dar-  
umb/das er anseheth wie kurz sie wüeten werden /vnd  
jr tag nicht ferne ist. Nicht/das Got/wie eyn mensch la-  
che/sonder das es lecherlich ist an zusehen in der war-  
heyt/das die tolln menschen so fast wüeten/vnd groß  
ding fürnemen/des sie nicht eyn harbreyt mügen auß-  
richtē/Gleich als ein lecherlicher narr were/der ein lan-  
gen speiß vnd kurzen degen neme/vnd wolt die Sun-  
nen vom hymel herab stechen / vnd iauchzet eyn mal  
dauff/als het er ein redlichen stich than.

14 Die gotlosen zihen das schwerdt aus vn  
spannen iren bogen /das sie fellen den elenden  
vnd armen /vnd schlachten die so aufrichtig  
gehen im wege.

Schwerdt vnd Bogen heysen hie/die vergiftigen  
bösen zungen/damit sie lestern/schmehen/verle-  
ren vnd schenden die sache des gerechten /auff das  
die frommen in hass/verfolgung/vnd zum todt möch-  
ten dadurch kumen vnd vertilget werden.

Also spricht Psal. xxiij. Der menschen kind zunge  
sind waffen vnd pfeyle/vnd ir zungen ist eyn scharffs  
schwerdt/damit haben sie nach dem gerechten /ob sie  
in fellen möchten/vnd schlachten (das ist) nicht alleyn  
töden/sonder nach irem mütwillen in jm wülen vnd  
südeln.

Er nennet auch die gerechten/den geringen vnd ar-  
men/Darumb/das sie für dem grossen hochmütigen  
schwulst vnd blasen der gotlosen/veracht vnd gering  
sind. Aber was richten sie aus? Höre.

15 Aber jr schwerdt wirdt in jr hertz gehen/  
vnd jr bogen wirt zubrechen.

Das ist/jr böse wort müssen sie wider freffen / vnd  
ewiglich dran erwürgen/das jr gewissen im sterben da-  
mit durch stochen/ewiglich wirt gepeyniget/Dazü der  
bogen wirt zubrechen/das alles vergeben ist/vnd sie ni-  
chts aufrichten/mit alle irem wüeten/denn das sie in  
selbs solch vnglück zü richten ewiglich/das arm elend  
volck/Darumb sol sich ihres hassens vnd schendens nie  
mant entfernen/Es müß also seyn / das sie in selbs das  
badt in der helle wol bereyten/wiewol die natur solch  
schwer lesterwort vngern leydet / Doch der geyst nach  
ditem Psalm gericht/lachet jr mit Got/vnd sihet auff  
ir ende.

16 Es ist besser das wenige des gerechten/



**denn das gros güt viler gottlosen.**

Das ist auch verdriesslich der natur/das die gotlosen reich sind vnd jr vil vnd mechtig/aber der gerecht ist arm vnd alleyn/hat auch wenig/vnd sie nemen jm dazu das seyne/hindern in auch an der narunge/ Darumb tröst der heylige geyst seyn liebes kind vnd spricht Laß dichs nicht verdriessen das du wenig/sie vil habē laß sie hie reich vñ sat seyn/Es ist dir besser/das du ein wenig habest mit Gottes gunst/denn ob du grosse hauffen güter/nicht alleyn eynes/sonder vieler vñ aller gottlosen hettest mit Gottes vngunst/wie sie haben. Auch höre was für cyn vñteyl geht vber deyn armüt vnd iren reichthumb.

**17** Denn der arm der gottlosen wird zübrechen/Alber der **HER** enthelt die gerechten.

Der arm oder hand/sind der anhang der gotlosen/das jr vil zusammen halten/vnd dadurch sind sie groß mechtig vñ stark/gleich wie yert des Papst arm/sind die Könige/Fürsten/Bischöff/Gelehrte/Pfaffen vñnd Münch/auff welchs er sich verlesset/vñnd Gott nicht achtet.

Also hat ein yeglicher gotlose den hauffen/die geweltigen auff seyner seyten/Denn reichthumb vnd gewalt hat noch nye/oder gar wenig/auff des gerechten seyten gestanden. Aber was hilffts? Trawe nur Got/es müs alles zubrochen werden/darffst dich darob nicht entsetzen noch dich verdriessen lassen/Gott enthelt dich/du wirst nicht versincken/seyn arm vñ seyne hand ist vber dir/vnd hat dich fest gefasset.

**18** Der **HER** kennet die tage der frumen/vnd jr erbe wird ewiglich bleyben.

Got erkennet ire tage/ir gelegenheyt/das ist/dic weil sie jm frey glauben/vnd nicht wissen wöllen/wenn vñ wie in zu helfen sey/So nympf sich jr Got an/vñ obs

vor den gotlosen scheynet/als hab jr Got vergessen/so ist doch nicht also/Got weyß wol wenn jr zejt ist in zu helfen/wie auch Psal. ix. Got ist cyn helffer zur rechtzejt/vnd Psal. cxxi. Meyne zejt stehet in deynen henden Als solt er sagen/Sie sind arm vnd wenig/ihene sind reich vnd mechtig/Aber laß gehen/sie werden dennoch genüg haben vnd keyn not leyden/Got weyß wol/weñ es zejt ist in zu helfen vñnd rathen/welchem sie auch trawen/on eygen hilffe vnd rathsuchen.

Dazu wirt jr erbe sein wenig/nicht alleyn in ihener welt/sonder auch in diser welt/Denn sie werden vñ müssen ymmer genüg haben/ob sie wol nicht vberflüssig vorrad habē/wie die gotlosen/Got ist jr vorrad vñ Kornboden/weynkeller vnd alle jr güt/Darumb auch folget.

**19** Sie werden nicht zü schanden in der bösen zejt/vnd in der theurung werden sie genüg haben.

Wenn Krieg oder theure zejt kumpt/so werden die alle zu schanden/die iren trost haben auff ire Kornböde vnd weynkeller oder güt gestellet/denn es ist bald verschlungen vnd vmbbracht/So stehen sie denn vbel vñ mit schanden/die zuuor so mütig vñ stolz gewesen sind Aber die gerechten/weyl Got jr trost vñ vorrad ist/müssen nicht mangel haben/Es müsten ehe alle Engel vñ hymel kumen vnd sie speysen/denn der vorrad leisset sie nicht mangeln dem sie trawen/weder zejtlich noch ewiglich. Wie aber die gotlosen? Höre zñ.

**20** Denn die gotlosen werden vmbkumen/vnd die feynde des **HER**/weñ sie gleich sind wie ein köstliche arwe/werden sie doch alle werden/wie der rauch alle wirdt.

Das ist ye nahe geredt/vnd verachtlich geurteilt die



groffen/mechtigen/reychen sunckern. Er spricht/Ob sie  
gleich weren die aller reychest köstlichste awe/da vbrig  
genüg ynnen wüchse/wie sie denn auch sind / Denn sie  
habē genüg/sie sind die güldene/reychē awe in der welt  
Dennoch müssen sie vntergehen/sa vergehen / vnd alle  
werden/wie der rauch/Wo sind sie /Die zuvor gewesen  
vñ groß güt gehabt:Es ist ir keiner in gedechtnis. Aber  
die gerechten sind in güter gedechtnis vñ in alle ehren.

Darüb liebes kindt/laß sie reich sein wie sie wollen  
sihe auff's endt/so wirstu finden/wie alles ir ding eyn  
rauch ist/darumb das sie Gottes feinde sind/vñ im die  
seinen hassen vnd verfolgen/Darzü laß dich das auch  
trösten/das er sie nennet Gottes feinde/so doch biß her  
sie nür deine feinde genennet sind/Auß das du wissest/  
wie sich Got dein also annimbt/das deine feynde/seine  
feinde sind.

21 Der gottlose borget vnd zalet nicht/der ge  
rechte aber ist Barmherzig vnd mild.

Das ist aber eyn tröflicher vnterscheid der güter/  
das der gotlosen güter nicht allern vergenglich sind/  
vnd eyn ende haben/sunder auch böse güter sind vnd  
vordamlich/darumb das sie nür auff hauffen gesamt  
let/vnd nicht den dürfftigen mitgeteylt werden/welchs  
wider die natur der güter ist.

Aber der gerechten güt hat nicht allern feyn ende/  
darumb das er Got trawet/vnd seyn güt von im war  
tet/Sunder ist auch eyn recht nüzlich güt/das andern  
wirdt mitgeteylt/vnd nicht auff ein hauffen gesamlet  
Also hat er genüg/on allen zeytlichen vorrad/vnd gibt  
auch andern gnüg/Das heyst ein recht güt.Zastu nicht  
vil/so ist doch götlich vnd nüzlich / Die gotlosen ha  
ben vil/aber vnchristlich vnd vnnüzlich.

Das er aber sagt/der götlose borget/ist nicht zu ver  
stehen/das die reychen vñ den menschen güt entleihen/  
sunder es ist gesagt/in einer gleychnüß vnd spruchwort

Gleich als der da vil borget vñ nit zalet/strebt darnach  
das er nicht wil lang im güt sitzen/Also alle reychen vñ  
gotlosen empfangen vil vñ Got/samen vnd borgen vñ  
im/vnd zalet in doch nicht/das sie den dürfftigen auß  
teylen/darzü es ihnen geben wirdt. Derhalben wirdt ir  
güt ein böses endt nemen/vnd wie der rauch vergehen  
Das diß die meynung sey/Beweyset das er sie gegen ein  
ander helt/den gotlosen vñ gerechten/der einer gibt/der  
ander nicht/vnd empfangen doch beyde von Got.

Darumb ist des gotlosen empfangen vergleichet dem  
borgen vñ bezalen. Aber des gerechten güt ist nicht bor  
gen/nach schuld/sunder frey von Got empfangen/vñ  
nüzlich gebraucht/im vnd seinem nehesten.

22 Denn seyne gesegneten erben das land/  
aber seyne verfluchten werden aufgerottet.

Sihe da/Er nennet die gotlosen reychen Gottes ver  
maledeyten/vñ die glaubigen Gottes gebenedeyten/  
auff das dich ja nichts verdrieße/nach deinem glauben  
hyndere/ir groß güt vnd dein armüt/was wiltu mehr?  
Ist das nicht trosts gnüg zur gedult?Zastu nicht vber  
flüssig wie sie haben/so wirstu dannoch genüg haben/  
vnd das landt besizen.

Nicht das du eyn Herr der welt seyst/sunder du  
wirst gütts genüg haben auff erden/vnd im lande wo  
nen mit gutem fride/Dann Got gebenedeyet dich zeyt  
lich vnd ewiglich/darumb/das du im trawest/ob du  
wol von den gotlosen vermaledeyet vñ beschediget  
wirst/Widerumb/die gotlosen reychen/ob sie yetzt eyn  
zeyt lang vberflüssig haben/so werden sie doch verder  
ben/vnd nicht im land vnd güt bleyben sitzen/Sie wer  
den gewißlich außgeschüpft vnd eyn ander dieyn ge  
setzt/Darüb/das sie Got vermaledeyet vnd in anzeu  
cht seyne gnade/zeytlich vnd ewiglich/Denn sie glaubē nit  
an in/ob sie wol von menschen gebenedeyet vñ begabt  
werden. Darumb/wo die gerechten sind/da habē sie ge



wäg auff erden/vnd bleyben im güt sitzen/ Widerumb die gotlosen werden aufgewurztelt wo sie sitzen in güttern/Das beweysen alle Fürstenthumb/Reych vñ grofse güter/die wir sehen/wie sie hyn vnd her faren/von ey nem geschlecht zum andern.

Sihe/so hastu das vñteil vber die zeytlichen güter/das kürzlich beschloffen ist/der gerecht müs genug haben/vnd der vngerechte verderben/darumb/das der gerecht Got trawet vnd der güter wol braucht/Der got lose trawet nicht/vnd braucht jr nicht wol.

Also lasen wir/das Abraham vnd Lot reych warē/vnd gerne herbergereten die pilger/Darumb/ob sie wol feyn eygen land vnd vorrad hetten/dennoch blyben sie im lande sitzen vnd hetten genug.

**23 Von Got werden des mans genge gefodert/vnd hat lust an seynem wege.**

Sihe da aber mal trost. Nicht alleyn wirstu zeytlich güts genug haben/sonder alles was du thüst/dein ganzes leben vnd wandel/auch gegen die gotlosen/wirdt schleunig seyn vnd fort gehen/Darumb/das du Gott trawest vñ im dich vnd deyne säch ergibst/in ganz dey nem leben im gelassen stehst/Damit machstu/das er gefallen/lust/vnd gleych eyn begird hat/deinen weg vñ wandel zu fodern.

Aber da gegen sichtet nu/das solcher Gotgefelliger weg nicht gefodert/ia verhindert vnd verworffen wirt von den gotlosen/das verdreust denn die natur/Darumb müs man sich hie tröste/das Got gefellet/vñ von im gefodert wirt vnser wesen/nicht ansehen die hinder nus vnd verwerffung der gotlosen.

**24 Sellet er so wirt er nicht weg geworffen/Denn der HERR erhalt in bey seynen hand.**

Das fallen möcht verstanden werden/das der gerechte zu weylen sündigt/aber stehet wider auff/wie Salomon sagt. Aber das lassen wir yetz faren/vñ bleyben auff

auff der ban/das fallen hie heysse so vil/als ob er ey mal vnterlige/vnd die gotlosen obligen/als Dauid/do er von Saul vnd Absolon geiagt wardt/vnd Christus do er gecreuzigt wardt/Dann solchs fallen weret nicht lang/Got lezt in nicht ligen vnd wegt geworffen seyn/sunder ergreyfft seine handt/richt in wider auff/das er müs bestehen.

Damit tröstet der geyst vnd antwortet den heymlichen gedanken/die yemandt möchte haben/vnd bey jm selbs sagen. Ja ich habe dannoch etwenn gesehen/das der gerechte hat müssen vnter ligen/vnd ist seyne sache gar in die aschen gefallen für den gotlosen. Ja/spricht er/liebes kindt/las das auch sein/Er falle/Aber er wirdt dannoch nicht so ligen bleyben vñ verworffen seyn/Er müs wider auff/ob schon alle welt dran ver zweyfelt habe/dañ Got erwischet in bey der handt/vñ hebt in wider auff.

**25 Ich byn jung gewesen vnd alt worden/vnd hab noch nye gesehen den gerechten verlassen/oder seynen samen nach brodt gehen.**

Sihe/da setz er zu mehrer sicherung/seyn eygen erfahrung/vnd ist auch war/die täglich erfahrung gibts/vñd müssen bekennen alle menschen/das es also sey/Wirdt aber yemand verlassen das er brot suchen müs/So ist gewis/das es im am glauben gebrochen hat/darumb er auch recht vnd billich verlassen ist.

Aber diß brodt suchen/oder nach brodt gehen/müs man verstehen also/das er nicht hunger leide/oder hungers sterbe/ob er wol arm ist/vnd wenig züuor hat/Er wirdt gewislich erneeret/ob er nicht vberigs hat biß auff den andern tag/Gibt im einer nicht/so gibt im der ander/Es müs seyne narung gewislich kummen/wie wol die sündigen die im nicht geben vnd helfen.

Dañ der arme Lasarus/Luce. xxi. ob im der reiche man nichts gab/ist er dannoch erneeret worden/obs



wol mit armüt zu gieng. Armüt nimbt Got nicht von  
seinen heyligen/ aber er leßt sie nicht vnter gehen/ noch  
verderben.

26 Tögllich ist er Barmhertzig vnd leyhet/vñ  
seyne same wird gesegnet seyn.

Das ist von dem habenden gerechten gesagt/ ob er  
also sey das er kinder habe / so der selb schon aufsteylet/  
gibt vnd leyhet täglich/ dannericht wirdt er gnüg haben  
Dann die benedeyung ist/ das sie werden genüg haben/  
hie vñ dort/ gar keinen mangel leyden an leybs narung  
vnd der seelen heyl/ obs wol zu weylen nicht vberig ist.

Also haben wir/ wie Got die glaubigen handelt/ in  
zeytlicher narung vnd iren sachen. das wir ja sicher sein  
in beyden stücken/ Er wirdt vns nicht verlassen/ vñnd  
werden dartzu genüg haben an der narung/ Vñnd also  
gehet es auch gewislich/ so wir glauben/ vnd vns der  
gotlosen glück nicht verdriessen noch bewegen lassen/  
Darumb widerholet vñ schleust er aber mal vñ spricht.

27 Las vom bösen vnd thue güts/ vnd bleyß  
bey ymmer dar.

Als solt er sagen/ laß Got sorgen/ thū nür du was  
güt ist/ vñ laß dich nichts bewegen böses zu thun/ bleyß  
nür wie du bist ymmer dar / vnd laß gehen. was da  
gehet/ wie auch S. Peter sagt/ Werfft auff in alle ewer  
sorge/ daß er treget sorge vber vns. Vnd Psal. liij. Wiß  
all deyn anligen auff Got/ vñnd er wirdt dich wol be-  
schickē oder besorgē/ vñ nicht lassen ewiglich bewegē.

28 Denn der Herr hat das recht lieb vnd ver-  
leßt seyne heyligen nicht/ ewiglich werden sie  
Bewartet/ aber der gotlosen samen wird außge-  
rottet.

Darffst nicht sorgen/ das dein recht vnter gehe/ es ist  
nicht möglich/ daß Got hat recht lieb/ darumb müß es

erhalten/ vñ die gerechten nicht verlassen werden/ Wess  
er ein abgor were/ der vnrecht lieb hette/ oder dem rech-  
ten feindt were/ wie die gotlosen menschen/ so hettestu  
ursache zu sorgen vnd dich zu fürchten.

Aber nun du weyßt/ das er das rechte lieb hat/ Was  
sorgest du was fürchtest du? was zweiffelstu? Ewiglich  
nicht alleyn zeylich/ werden seine heyligen erhalten/ vñ  
die gotlosen mit feindt vnd allem dem irem außgerottet  
Die heyligen alhie/ heysen nicht die im hymel sind/ vom  
welchen die schrifft selten redet/ Sunder gemeinlich  
von denen/ die auff erden leben/ die da glauben in Got  
vnd durch den selben glauben/ Gottes gnad vnd geyst  
haben/ davon sie heylig genennet werden/ als wir alle  
sind/ so wir glauben warhafftig.

29 Die gerechten erben das landt/ vñ bleiben  
ewiglich drynnen.

Das ist/ wie droben gesagt ist/ sie haben genüg auff  
erden/ dürffens niergent dan bey Got gewarten/ wo sie  
wonen in der welt/ Dann Got leßt sie nicht/ Leßt er sie  
aber/ so sind sie gewislich vnrecht vnd gotlos/ on glau-  
ben vñ trawe in Got. Vnd also ist das beschlossen/ das  
wir nür güt thun/ vñ bleyben auff der ban vñ im lande/  
lassen in sorgen vnd machen. Nun volgt was die sache  
sey des gerechtē/ darob solchs wesen sich erhebt/ zwischē  
inen vnd den gotlosen.

30 Der mund des gerechten gehet mit weyß-  
heyt vmb/ vnd seyne zunge redet vom gericht.

Darüber hebt sich der hader/ Die gotlosen wollen  
die götliche weyßheyt vnd recht nicht hören/ verfolgen/  
verdammnen vnd leßtern es für narreheit vñ vnrecht/ vñ  
gehet den selben schelcken eine weyle wol drob/ Das ver-  
dröset denn vnd bewegt natürlich den gerechten/ vnd  
werden dardurch gereyhet zum bösen vnd widergeten  
oder vngedult.



Darumb leret sie diser Psalms stil halten/ vñ ymmer  
fort faren/ ymmer leren/ richten vnd reden/ solche weyß-  
heyt vnd recht/ Got die sach Befelhe/ ihene lassen beyßsen  
wüten/ scene knirschen/ leßtern/ schlagen/ schwerdt blö-  
ßen/ Bogen spannen/ sich heuffen vnd stercken 2c. wie ge-  
sagt ist/ Dann Got wirds wol machen/ so wir sein nur  
gewarten/ vnd ymmer auff der Ban bleyben/ vnd vmb  
rentwillen nicht auff hören oder nachlassen güts zu  
thun. Es müß doch zu letzt das vrtel dises verses bley-  
ben vnd fund werden wie der helle mittag/ das der ge-  
rechte hat recht vnd weyslich geredt/ die gotlosen sind  
narren vnd vnrecht gewesen.

**31 Das gesetz seynes Gottes ist in seynē hertzen/ Seyne tritt gleytten nicht.**

Darumb redet er recht/ vñd richtet weysheyt/ das  
Gottes gesetz/ nicht in dem buch/ nicht in den oren/ nicht  
auff der zungen/ sunder in seinem hertzen ist. Gottes ge-  
setz mag niemant recht verstehen/ es sey im dann im  
hertzen/ das ers lieb habe vñ lebe darnach/ welchs thut  
der glaub in got. Darumb ob die gotlosen wol vil wort  
machen von Got vnd seynem gesetz/ thūnen sich der  
schrifft lerer vnd erfarn/ so reden sie doch nymer recht/  
noch weyslich/ daß sie habes nicht im hertzen/ darumb  
verstehen sie sein nicht/ Es betrugt sie der scheyn/ das  
sie die wort vnd schrifft füren/ vnd drob wüten vnd ver-  
folgen die gerechten.

Item/ des gerechten tritt schlipffern nicht/ Sunder  
gehen gewiß frey einher in güttem gewissen/ Darumb  
das er der sach gewiß ist/ vnd mag nicht verfürer wer-  
den durch menschen gesetz vñ nebenlernen. Aber die got-  
losen fallen vnd schlipffern allzeit hyn vnd her/ haben  
keyn gewissen tritt/ Darumb/ das sie Gottes gesetz außser  
dem glauben nicht recht verstehen. Vnd also faren sie  
hyn vnd her/ wie sie jr dunckel fūret/ oder menschen ge-  
setz leret/ yetz diß/ yetz ihenes werck/ yetz leret man sie

stuss/ yetz so/ vñ schlipffern hyn/ wo man sie hyn fūre  
mit der nasen/ ein blinder den andern/ Darumb wie sie  
nicht recht verstehen/ so wandeln sie auch nicht recht.  
Noch wüten sie vmb solch jr schlipffernig lere vñ leben/  
wider die gewisse lere vñd leben der gerechten/ wöllen  
yetz ding alleyn bestetigen.

**32 Der gottlose sihet auff den gerechten/ vñ gedencket in zu tödten.**

Es verdreust in vñ kans nicht leyden/ das man seine  
lere vnd leben strafft/ als ein vnrecht vnweyllich wesen  
Darumb dencket er nicht mehr/ dann wie er seine sache  
befeßte. Nun kan er für dem gerechten nicht/ welcher  
leßet sein vnrecht nicht vngestraft/ Darumb treybt in  
seyn falsches wesen da hyn/ das er des gerechten loß  
wirdt/ in vmbbringe/ damit seyn wesen recht vnd vn-  
gestraft bleybe/ Wie der Babst vnd die seynen allzeit  
vnd noch thūnen/ die wir wol sehen/ das sie Gottes gesetz  
auch schier nicht in den büchern haben/ schweyg dann  
im hertzen. Noch wöllen sie die seyn/ die da weysheyt  
richten vñ recht leren/ wüten vnd rasen drüber/ wie die  
tollen hunde/ on auff hören.

**33 Aber der HERRE leßet in nicht in seynen henden/ vnd verdampft in nicht wenn er verur- teylet wird.**

Got leßet den gerechten wol in jr handt fūnen/ er ver-  
leßet in aber nicht drinnen/ Sie mügen in nicht dampf-  
ten/ weñ sie in gleych tödten/ dazü hilfft jr vrtel nicht/  
ob sie gleych thūnen/ sie thun es an Gottes stat vnd in  
Gottes namē/ daß Got richtet dz gegē vrtel. Ds sehen  
wir auch zu vnsern zeitē/ Der Babst mit den seinen/ ha-  
be Johanne Zusß vñ dampft/ noch hilfft sie kein vñdammē  
keyn schreyen/ keyn plerren/ keyn wüten/ keyn toben/ keyn  
bulle/ keyn bley/ keyn sigel/ keyn Bañ/ er ist herfor blicent  
allzeit/ da keyn Bischoff/ keyn Vniuersitet/ keyn König/  
B ij



Keyn Fürst etwas wider vermocht/welchs noch nie von  
Keynem Keger gehört ist/ Der cynige todte man/ der vn-  
schuldige Abel/macht den lebendigen Kain den Babs-  
t mit allem seynem anhang zu Keger/abtrinnigen/mör-  
dern/Gottes lehrern/solten sie sich drob zu reysen vnd  
bersten.

34 **S**arre auff den **XXXVII** vnd bewars  
seynen weg/so wird er dich erhöhen das du dz  
land erbest/wen die gottlosen außgerottet wer-  
den/wirstu sehen.

Abemal vermanet er auff Got zu trawen vnd güt-  
tes thun/Darumb das die vngebrochene blöde natur/  
sich schwerlich ergibt vnd auff Got erweget/das sie ge-  
warte/das sie mer gent sihet noch empfindet/vnd sich  
des eussere/das sie sichtiglich empfindet.

Nun ist auch gnügsam gesagt/wie die Besitzung des  
landes zu verstehen sey/Nemlich/das ein gerechter be-  
leybt vnd genüg hat/auch auff erden/darzu wo er zu  
wenig hat zeytlich/hat er desto mehr geystlich/Wie  
Christus leret/vnd spricht. Wer einerley verlesset/der  
sol es hundertfältig wider haben auff diser welt/Vnd  
darzu das ewige leben. Wie wol ich nicht widersehte/  
das solchs erden besitzen mücht verstande werde/nicht  
von einem yegklichen gerechten in sunderheyt/sunder  
von dem hauffen vnd der gemeyne/ob wol villeicht et-  
liche zeytlich vertilget werden/dannoch zu letzt je same  
vñ lere oben bleybt/wie die Christen in der welt bliben  
sind/vnd nie vergangen/ob je wol vil von den Heyden  
zeytlich gemartert vnd vertilget werden/wie Psal. cxi.  
auch sagt. Selig ist der man der Got fürchtet/vnd an  
seinen gebotten lust hat. Sein same wirdt regieren auff  
erden/vñ das geschlecht der gerechten wirdt vermehret  
werden 2c.

Doch wie gesagt/vber das alles hat ein yegklicher  
auch für sich selbs genüg/vnd Got gibt im auch was

er darff vnd bittet/Vnd wo ers nicht gibt/da ist es ge-  
wislich der gerecht so willig/das ers nicht haben wil  
von Got/vnd wehret Got das ers im nicht gebe/so gar  
eins ist er mit Got/das er hat vnd nicht hat/wie er nür  
wil für Got/wie Psal. cxliij. sagt. Got thut den willen  
der/die in fürchten/vnd erhört jr bitten vñ hilfft inen.

Das er hie sagt/Du wirst sehen wenn die gottlosen  
außgerottet werden/ist nicht vñ einem schlechten sehen  
gesagt/Sunder nach dem brauch der schrift heisset es  
sehen nach seinem willen/oder das er lengest gerne ge-  
sehen hette/wie wir auff Teütsch sagen/Das wölt ich  
gerne sehen. Auff die weise sagt Psal. liij. Du hast mich  
auß allem vbel erlöset/vñ meine augē haben geseheñ me-  
ne feinde/das ist. Ich hab meinen willen an in gesehen  
das ich erlöset vnd sie vertilget sind. Item Psal. cxi. Der  
gerechte wirdt nicht bewegt werde/bis das er sehe seine  
feinde. Item Psal. xc. Du wirst mit deinen augen sehen  
Vnd die straffe der gottlosen wirstu schauen.

Widerumb von den feinden sagt Psal. xxxij. Sie  
haben iren mündt weyt auff gethan vnd gesagt/Es ja/  
Es ja/vñser augen haben gesehen/das ist/er ligt dar-  
nider/Es ist geschehen/das wir lengest gerne gesehen  
hätten. So auch Micheas. Aspiciat in Zion oculus no-  
ster. O das vñser auge sehen möchte in Zion/das ist/O  
das Zion vber gienge/das wir gerne sehen. Also hie  
auch/du wirst sehen was du gerne gesehen hettest/wen  
die gottlosen außgerottet werden. Dife weyse zu reden/  
ist fast gemeyn in der schrift.

35 **I**ch sehe eynen gottlosen mechtig/vñnd  
eyn gewurtzelt wie eynen grünender lorber-  
baum.

Sie setz er die ander erfahrung zu eynem exempel vñ  
zeychen vom gottlosen/Dioben hat er eine erfahrung ge-  
sagt vñ dem gerechten/das er noch nie Keynen hab sehen  
verlassen/Sie sagt er eine erfahrung vom widerteyl/von  
D iij



dem gotlosen/wie der vergangen sey/vnd spricht. Er war reych/mechtig/groß/das sich yederman für ihn forchte/vnd was er sagt/thet/ließ/das war gesagt/ge-  
than/gelassen/Dann eyn solchen bedeyt das Ebreysch wörllein/Ariz/das ich hab verdeutsch/mechtig. Das bedeyt auch das er darzu thut. Er brühet sich vnd war fürbrechtig/thet sich herfür/war etwas sonderlich für allen/macht sich preyt vnd hoch/gleich wie ein Lorberbaum für andern Bawmen allheydt grünet/vnd etwas sonderlich pranget für allen/sonderlich für den samen Bawmen oder garten Bawmen/Ist auch nit ein schlechter busch oder nidiger Baum/des man auch warten vñ pflegt muß/welchs man dē wilden bewmen vñ Cedern nicht thut. Also muß man auff disen gotlosen jundern auch sehen/vñ sprechen/Gnediger herr/lieber junder.  
36 Da man fürüber gieng/sihe da war er da hyn/Ich fraget nach ihm/da ward er nyergedfunden.

Sölch exempel hat David/an dem Saul/Achitophel/Absolon/vnd der gleychen wol gesehen/Welche mechtig waren in irem gotlosen wesen/vñ ehe man sich umbsahe/waren sie da hyn/das man fragen vñ sagen möcht/wo sind sie hyn? Ist nicht war? Zu vnsern zeyten ist der Pabst Julius auch ein man gewesen/Welch ein Ariz vñ gewlicher herr war das? Ist er aber nicht verschwunden ehe man sich versach? Wo ist er nun? Wo ist seyn trogen vnd brachten? Also sollen wir nür still halten/sie werden alle also verschwinden/die yetz wüthen/vnd wöllen den hymel zerstören/vnd selfs umbstossen/Last vns nür schweygen eyn wenig/vñ für vber gehen/wir werden vns schier umb sehen/vñ ire keynen sehen/so wir nür Got trawen.

37 Bewar die frümkeyt vnd schaw w3 auff richtig ist/Den zu letzt wird derselbe frid habē.

D3 ist so vil gesagt/als Paulus Tit. ij. Sey nür recht geschaffen im einfeltigē galubē zu Got vñ wandel auff richtig vñ redlich/darauff sihe allein/vñ richte dich dar eyn/laß gotlosen gotlosen sein/Sihe/so wirstu zu letzt fride habē vñ wilt dir wol gehn. Die Ebreische sprache hat die art/das/wo wir auff Teütsch sagen/Es gehet ihm wol/er gehabt sich wol/es stehet wol vmb ihn/Vnd auff Latinißch/Valete/Bene habete 2c/das heyst sie fride haben.

Also Gene. xxxvj. sprach Jacob zu seinem sun Joseph/Gehe hin in Sichē zu deinen Brüdern/vñ sihe ob in fride vnd dem viehe sey/vnd sage mir wider/das ist obs in auch wol gehe/Daher kumbt der grüß im Euangelio/auff Ebreische weyse/Par vobis/Fride sey euch/welchs wir auff Teütsch sagen/Got gebe euch eyren güten tag/güten morgen/güten abent. Item im abschey den sagen wir. Ge habt euch wol/habt güte nacht/lasts euch wol gehen/das heyst/Par vobis. Also wenn der gotlos da hyn ist/so gehet es dem gerechten vnd glaubigen wol/vnd ist hernacher eytel fride.

38 Die übertretter aber werden vertilget mit eynander/vñ die gotlosen werden zu letzt auff gerottet.

Das ist das wider spiel/die gerechten Bleyben vnd gehet in wol/die abtrinnigen gehen vnter vnd gehet in vbel hernach vnd zu letzt.

Es möchten dise zween vers auch wol verstanden werden von beyder teylen nachgelassen leeren erben vñ gütern/Das die meynung sey/die gerechten was sie him der sich lassen/das bestcher vnd gehet in wol/wie dies ben im. xvi. vers gesagt ist/das des gerechten kinder auch genüg werden haben. Aber alles was die gotlosen hinter sich lassen/verschwindt vñ kumpt zu sehens vnter/wie Psal. cviij. sagt/Sein gedechtnis sol in eyne glied des geschlechts vertilget werden/Das sihet man



auch teglich in der erfahrung.

39 Das heyl aber der gerechten ist von dem  
**HERRT**/Der ist jr stercke in der zeit der not.

Vrsach der vorigen zween vers ist // Denn das heyl der gotlosen ist von jm selbs/vnd jr sterck ist jr eygē macht/Sie sind groß/vil/reich vnd mechtig/dürffen Gottes sterck vnd heyl nicht. Aber die gerechten/die jr gesicht müssen abkriechen von allem das man sihet vnd sälet vnd alleyn Gott trawen/die habē kein heyl noch sterck denn von Got/Welcher leset sie auch nicht/vnd thut wie sie jm glauben vnd trawen/als diser volgent letzte vers beschlenst vnd sagt.

40 Vnd der **HERRT** wird jm beystehen/vñ wird sie erretten/ vnd wird sie von den gottlosen erretten vñd jm helfen/ Denn sie trawen auff jm.

Sihe/sihe/welch ein reiche zusagung/ grosser trost vnd vberflüssige ermanung ist das/so wir nur trawen vnd glauben: Sum ersten/Got hilfft jm/nemlich mittē in dem vbel/leset sie nicht alleyn drynnē stecken /ist bey jm/sterck sie vñ enthelt sie/Vber das/nicht allein hilfft er jm/sonder errettet sie auch/das sie heraus kummen/Denn diß Ebreyisch wörlin heyst eygentlich / dem vñd glück entlauffen vnd dauon kumen. Vnd das die gotlosen verdriessen möchte/so drückt er sie mit namen aus vnd spricht/Er wirt sie erretten von den gotlosen /obs jm wol layd sey/vnd sol jr wüeten sie nichts helfen/wie wol sie meynen der gerechte sol jm nicht entlauffen / er müsse vertilget werden.

Sum andern/Nicht alleyn errettet er sie/sonder hilfft jm auch förder ymmerdar/das sie hynfirt in keynem vnglück bleyben/es kume wenn es wil / Vnd das alles darumb/das sie jm vertrauet haben. Also spricht er auch Psal. xc. Darumb das er jm vertrauet/so wil ich

jm erretten vnd beschirmen/denn er erkennet meinē namen/Er hat mich angerüffen/darumb wil ich jm erheben. Ich wil bey jm seyn in seinem vbel/vnd wil jm heraus reysen/vnd wil jm zu ehren setzen vnd in fülle mit lenge der tage/vnd jm offenbaren meinē heyl.

O der schendlichen vntrew/mistrew/vñ verdampfen vnglaubens/das wir solchen reichen/mechtigen/tröstlichen zusagungen Gottes nicht glauben/vnd zapeln so gar leydelich in geringen anstössen /so wir nur böse wort von den gotlosen hören. Hilff Gott/das wir ein mal rechten glauben vberkumen /den wir sehen in aller schrift gefodert werden/Amen.

## Der zwey vnd sechzigst Psalm.

### Der Titel.

Ein Psalm Dauids für Jeduthun  
hoch zu singen.

Das ist/diſer Psalm ist gemacht von Dauid vnd also geordnet/das er von dem Singer Jeduthun vnd von seynen gesellen gesungen würde/in der höhe/das ist mit heller stymme/wie wir denn lesen im ersten büch der Chronica/das Dauid etliche singer verordnete hoch zu singen/mit hellen cymbalen oder schellen/etliche aber nydug zu singen mit harffen vor der gälden laden/Vñ hat also auff regliche Chor sonderliche Psalm gemacht vnd machen lassen.

**M**eyne Seele schweyget Gott/Denn von jm kumbt mein heyl.

Dauid war ein wolgeübter vñd erfarnet man/als der im hofe des Königes Saul erzogen vnd



versucht/manche Böse tück gesehen hatte /wie die hof-  
junker dem Könige heuchelten vmb gelt vnd ehre  
willen/vnd alle iren trost auff's Königs gnade stellet/  
vnd im zu liebe thetten/alles was er wolt/es wer wider  
Got oder menschen/Derhalbē er auch gar vil böser tük-  
ke von in erleyden müste/da sie sahen/das im der Kö-  
nig selbs feynd war/vnd tödten wolt/Gleich wie Hero-  
des den Juden zugefallen/Petron fieng vnd die Chris-  
ten verfolgte. Wie wir auch noch yetzt in herrn höfen  
sehen/vnd alle yetzt gewesen ist/das die hofeschrangen  
vnd synanger/wenn sie nur sehen/was den Fürsten vñ  
herrn gefelt/vnd hoffnung da ist/etwas zu erschnappē  
thūen vnd reden sie getrost / was sie dunckt es gefalle/  
Got gebe/es gehe drüber der arm oder gerechte vnter-  
oder bleybe oben/das sie nur reich vnd hoch werden.  
Ja es geschicht solchs nicht alleyn in herrn höfen /son-  
der in allen stenden der welt/Denn es ist der welt lauff  
vnd weyse/die bleybt also/das man heuchelt vmb ge-  
nies willen/vñ auff menschen gunst vnd hulffe sich ver-  
lest/vnd darüber Got veracht vnd dem nehistē scha-  
det/daneben dennoch frumb sein wollen/thūen auch  
Gottes wort vnd alle gerechticheyt trefflich rhümē/als  
waren sie die aller Besten.

Wider solche gotlose Büben hat David disen Psal-  
men gemacht/zur heylsamen lere vnd warnung/darvñ  
ne er vns leret/nicht auff die menschen sich zuverlassen  
wenns gleich herrn vnd Könige weren/sonder alleyne  
auff Got. Vnd warnet vns/denn es nympt Eyn güt en-  
de/wie er auch am. cxlvj. Psalm spricht / Last euch nit  
auff Fürsten/auff menschen Kinder/ Er kan doch nicht  
helffen/denn seyn geyst müs aufffaren /vnd widder zu  
seiner erden kumen/als denn sind verloren alle deyne an-  
schlege. Als solt er sagen/Wenn gleich mensche gunst  
allenthalben im lebē bestendig were/welchs doch auch  
nicht ist/dann heüte freunde/morgen feyndt/vnd wie  
man in sunderheyt von Fürsten sagt/ Fürsten genad/

Aprill wetter ) so ist doch ir leben Eynne stunde gewiß/  
Warumb verliesstu dich dann auff sie/ vnd verachst  
vmb iren willen Got/der ewig bleybt/vnd thüst so Böse  
tücke wider in vnd deinen nehesten: Also setz er sich hie  
selbs zum Exempel / als der zur zeyt Saul vil gesehen  
hat/die sich auff Saul verliesen/vnd vmb seinen wil-  
len thetten/ was Got vnd menschen verdross/ Aber do  
Saul todt war/ mit allen schanden bestünden/ wie der  
sun Doeg/ welcher nach dem todt Saul kam vñ wolte  
David heucheln/er hette Saul erwürgt. 1. Regū. ij.

Darumb spricht er hie/ Mir nicht/das ich meinen  
trost auff Fürsten oder menschen setze/ wie die gotlosen  
hofeschrangen thūen/ Ich wil auch gerne dem Könige  
gehorsam sein/im dienen/sein bestes suchen vñ fürdern  
wil helfen vnd ratten/mit leyb vnd güt im bey stehen/  
Aber das ich mich auff in solte verlassen/das er mich  
reich/herlich oder selig machte/das wil ich lassen/Dan  
morgē solt sichs wetter wol vmbkerē/dz er mich verfol-  
gere(wie das auch geschach/dz zu erst David der liebste  
diener Sauls war/darnach der aller feind seligste/ vnd  
müste auch erfahren/das Fürsten hulde/ Aprill wetter  
were/sunderlich weis es nit gottfürchtige/sunder gotlo-  
se Fürsten sind ) Wenn ich als denn hette vmb meynes  
herrn oder eines menschen willen/wider Got vñ men-  
schen gethan/wo wölt ich bleyben/ so Got vnd menschen  
erzürnet vber mich weren: Es fürre mir lieber wege Für-  
sten vnd menschen gunst/vnd blibe mir Gottes hulde/  
Bleybt mir Gottes hulde/so wirdt sich menschen hulde  
wol finden/ Sindt sie sich nicht/ so fare sie zum teuffel/  
gottes hulde ist mir genüg. Verliere ich aber gottes hulo-  
de/ so bleybt mir zu letzt menschen hulde auch nicht/ so  
fare denn ich zum teuffel sampt meinen Fürsten/Beyde  
mit Gottes vnd menschen vnhulde/ Da hab ichs denn  
sein troffen vnd wol gemacht.

Das er sagt/meine seele schweyget Got/ist Ebreisch  
gredt/ Da lauts also/ Meiner seelen schweygen ist ge-



gen oder in Got/das ist/ Ich schweige vnd drucke mich  
vnter den gotlosen/die sich auff menschen vñ herrn ver-  
lassen/pochen vnd trozen/ Aber ich befelhe dich Got/  
poche vnd troze auff den selbigen gar heymlich vñ still-  
le/ das sie es nicht wissen/ vñ halten mich für einen  
narren/ das ich nicht auch heraus fare/ vnd getrost mit  
heuchele vñ gelt suche. O welch ein seltsam gesinde ist  
vmb einen solchen hofe diener/ Noch hat Saul der bö-  
se König einen solchen gehabt/ vñ ist David/ als eine  
rose vnter den dornen/ vnter solchẽ gotlosen hofe buben  
gewest/ wie on zweifel auch noch wol sein kan ein from-  
mensch zu hofe/ Aber er müß freylich vnter den dornen  
auch sein/ vñ der stacheln allezeit gewarten.

Dann von jm kumbt meyn heyl/ spricht er/ Das ist/  
lieber/ es wirdt mir niemandt helfen dann Got/ der ist  
gewiß/ Von jm/ Vñ jm heylts/ Vñ jm kumbt mir meyn  
heyl/ das ist alle meyn glück/ reichthum/ wolstat/ vñ  
was ich haben sol vñ bedarff/ Die gotlosen sprechen  
aber also/ Mein heyligster vater habst/ Mein aller gne-  
digster Herr Keyser/ Meyn gnedigster Herr König zu  
Frankreich/ Meyn gnedigster herr von Metz/ Meyn  
gnedigster herr zu Sachsen 2c. wirdt mir helfen/ Ja  
fehlets anders nicht/ das sie morgt sterben oder dürffen  
selber hülffe vñ rath/ eben so wol oder mehr dan du.

2 Den er ist mein holt/mein heyl/meyn schutz  
Darumb werde ich wol bleyben.

Ja freylich/ weyl du das glauwest/ bistu wol sicher/  
wenns auch eytel Türckische/ Tatterische Keyser/ vñ  
eytel zornige Könige vñ Fürsten regnete vñ schneyete/  
neun Jar lang an einander/ mit alle irer macht/ darzu  
alle Teuffel mit ihnen.

Got hab ich verteußelt/ da auff Ebraisch steht Zur  
welchs heyst einen Fels/ Dan Got heysen wir/ darauff  
wir uns verlassen vñ uns sein trösten. So wil er nun  
sagen. Ich weiß das mit mein heil vñ jm kumbt. War

umb/ Darumb. Ich habe keynen menschen/ wie groß/  
mächtig/ reich er ymmer sey/ mit zum trost/ holt/ trost vñ  
heyl geset/ noch mein hertz oder hoffnig auff in gestel-  
let/ sunder Got hab ich darzu erwelet/ von dem alleyne  
mir alles glück vñ heyl kumen sol vñ wirdt/ So heyst er  
nun Got seynen Fels oder Holt/ darumb das er seynes  
hertzen gewisse vñ sicher zuversicht auff in setz. Sein  
heyl/ darumb/ das er glaubt vñ nicht zweiffelt/ Got  
werde in helfen mit glück vñ heyl/ ob gleich Saul vñ  
alle menschen in verlassen/ vñ nichts geben/ weder doß  
noch stat. Seinen schutz/ darumb/ das er hoffet vñ ge-  
wiß ist/ Got werde in vertheidingen wider alles vñ  
wenn gleich Saul vñ alle seyne hofe schranzen/ seyn  
verderben vñ seynen todt suchen.

Welch eine feine seele ist doch das/ die ein solch lied-  
lein kan Gotte singen/ Aber auch wie seltsam ist sie/ so  
man doch sunst alle höfe vñ stette vñ landt vol findet/  
die den grossen Ranssen auch solche liedlein/ zu weylern  
vñ zehen Gulden oder noch geringer parteken singen  
können.

3 Wie lange stellet jr dem man nach/ das jr  
alle in erwürget/ als eyne hangende wand vñ  
zustoßten zaune!

Den vers wölt ich meysterlich auß streichen/ wenn  
ich mich auch müste zum exempel setzen/ Aber es heyst/  
Meine seele schweige Got. David hats erfahren/ das der  
herrn heuchler so sind geschickt/ weyl des Königes gnade  
leuchtet/ do war nichts heilichers dan David/ yeder  
man wolte da freunt sein/ vñ den David lieben/ vñ  
ir hertz dachte doch/ Das dich der teuffel wegt für dise  
stunde/ das ich an deine stat kumme/ vñ des Königes  
lieblein auch werde/ Aber do der König in seindt wardt  
do brachs heraus/ was sie zuvor gedachten/ Do wolte  
ein yeglicher dem Könige hofieren/ vñ das Beste an  
Davids verderben thun/ da war keiner faul/ Alle/ Alle



wolten sie in/ mit der vnnnd diser handt erwürgen/ da  
giengs im hofe/ Ach das den buben die pestilenz veyts  
tanz/ vnd alle flüche bestehen/ sunderlich/ wenn es der  
König oder seine orenmelder hören. Das ist/ das er  
hie sagt. Wie lang stellet jr einem nach/ vnd wöllet alle  
dazü thun/ das er sterbe/ Als solte er sagen: Wie gar  
hanget jr an einem menschen vnd verachtet Got/ das jr  
vmb seinen willen auch zu morden bereyt seyt/ vnd tag  
vñ nacht darnach trachtet: Aber jr habts yetz güt zu  
thun/ weyl ich nun bin als eine geneygte wand vnd zu  
stossen zaun/ Dañ einer wand vnd zaun/ die bereyt zur  
erden hangē/ ist bald geholffen/ das sie vollend gar ni  
der fallen. Also auch/ wenn ein Fürst/ Herr/ grosser hant  
einen man drückt/ so hanget die wand vñ der zaun/ So  
künden die suchenspfennige vñ lassen sich dücken/  
das stündlein sey künden/ jr mütlein zu kühlen vnd Rütter  
zu werden/ vnd treten in vollend zu füssen/ dem sie bil  
licher solten auff helfen/ vnd den zaun stürzen/ vnd die  
wand vnter setzen. Das heyst den todten löwen den  
bard rauffen/ welchen sie lebendig nicht hatten dürfen  
anrühren. Also/ die David halffen vnter drücken/ do  
Saul im feindt wardt/ müsten wol das hütlein für im  
ab nemen/ do er bey gnaden war. Aber die welt thut  
nicht anders/ da mag man sich nach richten. Christus  
müßte selbst einen haben (das war Judas der verrhet  
ter) der in hulffe vntertreten/ do er schon bereyt vñ den  
Juden gesucht wardt zum tode/ wie er sagt Psalmo. xl.  
Der meyn brot isset/ hilfft mich mit füssen treten. Es  
gehet so vñ müß so gehen/ beyde in geystlichem vñ welt  
lichem regiment/ das die künen helde/ den todten löwen  
rauffen/ die eins lebendigen hunds sich nicht erweren  
kñnnen/ So vil vermag der trost auff menschen.

4 Aber sie denckē seyne höhe zuerstossen/ lü  
gen gefallē in/ mit dem munde segnen sie/ Aber  
inwendig flüchen sie. Sela.

Es ist

Es ist inen nüt darumb zuthun/ das sie in herunter  
stossen/ vnd sie an seyne stat kñnnen/ Dann so gehets in  
der welt. Kumbt yemandt eyn wenig auff/ so hat man  
eyne rüge/ Biß er kñnne auff vnterst/ Sölch eyn böser  
geyst ist der welt Fürst der teuffel/ das er auch niemant  
kan leyden/ das er leyblich etwas grosses sey/ schweyge  
dañ das er geystliche güter solte leyden können.

#### Lügen gefallen in.

Das ist/ Sie gehen mit eytel falscheyt vmb/ das sie  
solche zuwegen bringen/ Güte wort geben sie/ vñnd ist  
nichts dahinden/ das ist jr lust vñ gefallen/ Vñ dñ essen  
auch wol mit dem/ den sie wöllen verderben/ auff aller  
freundtlichst reden vnd berden/ vnd denken doch/ das  
dich alle plage besthe/ hören auch nicht auff/ Biß sie in  
helffen verderben/ das heyst/ sie loben mit dem munde/  
inwendig aber flüchen sie/ das ist/ im hertzen wünschen  
sie im alles hertzenlayd/ vñ sprechen doch/ Mein freünd  
liche dienste zuuor/ was ich thun kan/ findet jr mich all  
zeit willig/ Da verlaß dich auff vñnd Bäck nicht/ sihe  
was du essen wirst. O solche tücke sind aller erst töstlich  
wenn sie gehen in geystlichen sachen des Euangelij/ da  
die falschen brüder vnd rottengeyster/ wöllen Christ  
liche brüder sein/ vnd sind verzweyffelte schwärmer vñ  
buben/ denken doch nichts anders/ dann das sie oben  
schweben vnd die ehre haben/ haben doch gleychwol/  
das maul vol segens/ vnd wie sie Gottes ehre vnd die  
warthey suchen.

5 Aber meyne seele schweyge Gott/ Denn  
meyne hoffnung ist zu jm.

Weyl Sauls hoffe gesinde/ alle welt/ auch die fal  
schen geyster/ all zūmal so falsch sind/ was sol doch eyn  
from hertz hie thun? Nichts anders/ daß schweyge vnd  
sey stille/ lasse sie liegen/ triegen/ böses denken vñ thun/  
vñ beselhe seine sache vnd sich selbst Got/ vñ hoffe auff  
in/ Lasse sie mit solchen lügen vñ falschen bösen tücken

C



den menschen vnd Fürsten dienen/ vnd auff sie hoffen/  
Es wirdt sich wol finden/ welche hoffnüg die beste sey.  
**6** Gott ist meyn hert/ meyn heyl/ vnd meyn  
schutz/ Ich will wol bleyben.

Disen versß widerholet er noch ein mal/ zñ troz den  
falschen leuten/ vnd zñ trösten sein vñ vnser aller hertz/  
Dañ er damit beschleußt sein exempel vñ lere/ darinn er  
vns geletet hat/ was die welt ist/ vnd wie sie thut/ das  
wir fecklich sie sollen verschten. Was nun gesagt ist im  
andern versß/ das magstu hie auch sagen/ daß es ist eyr  
versß.

**7** Bey Got ist meyn heyl/ meyn ehre/ der fels  
meyner stercke/ meyn zñuersicht ist auff Gott.

Sie sehet er an zñ warnen vñ vermanen/ Dñ er helt  
gegen einander Got vñnd menschen/ als solt er sagen/  
Wolan jr habt mein exempel gehört/ wie es gehet in der  
welt/ vñ sunderlich zñ hofe/ da der welt hauot vñ bestes  
ist/ So halt sie nun gegen einander/ Got vñ menschen/  
so werdet jr funde gewislich/ wie ichs funde habe/ Nem  
lich/ das bey got ist mein heyl/ mein ehre etc. das ist/ Got  
wil vnd kan helfen/ Er gibt gesundheyt/ glück vñ heyl/  
darauff man sich verlassen mag. Er ist auch mein ehre  
Das ist/ Er gibt auch gut/ gewalt vñnd wurde genug/  
welchs ehrlich ding ist vñ gehalten wirdt/ Dñ ehre in  
der schrift/ heyst nicht alleyn das gut gerüchte/ sunder  
die güter/ dauon das gerüchte erschallet/ als Math. vi.  
Ich sage euch/ das Salomon in aller seiner ehre nicht  
ist bekleydet gewest als der einen. Vnd Psal. lxxviij. Sie  
wandelten ire ehre in ein kalbs bilde/ Das ist/ iren Got  
vnd Gottes dienst. Die gotlosen aber suchen solchs als  
les bey Fürsten vnd menschen.

Der fels meiner stercke/ Er ist der grundt vnd troz/  
darauff meine macht vñ regiment stehet/ Stercke heyst  
hie/ wie auch fast an allen enden/ die macht oder gewalt  
zñ regieren/ als da ist an Fürstenthumb/ Königreich/

Auff das ers ja alles fasse in disem versß. Mein heil (das  
ist/ alle mein glück vñ wol fart) Mein ehre (das ist/ alle  
mein gut vñ vermüg) Mein stercke/ das ist/ alle meine  
macht vñ oberkeyt. Summa summarū/ Ist etwas das  
ich haben kan aufferden/ es sey gesundheyt/ krafft/ gut/  
ehre/ gerücht/ macht/ oberkeyt vñ alles mit einander/ dz  
wil ich weder Keyser/ Könige/ Fürste/ noch eyrige men  
schen Befelhe noch vertraue/ noch vñ im gewartē/ Bey  
Got sol es stehen vñ fallē/ bleybē vñ farē/ weiß der helt  
so ist es gehalten/ obs gleych alle welt wölt fellen/ wenns  
der felleit/ so felts/ obs gleich alle welt wolt halten/ Also  
auch mein zñuersicht ist auff Got/ das ist/ nicht alleyn  
alles güts wil ich von im gewarten/ sunder aller wider  
wertigkeyt wil ich troz bieten vñter seinem schirm/ daß  
ich mich versiehe/ er wirdt mich nicht lassen. Menschen  
verlassen ymmer dar vñ ist keine zñuersicht da gewisß.  
**8** Hoffet auff in alle zeyt/ jr völder/ Schüt  
tet ewer hertz vor im auß/ Gott ist vnser zñuers  
sicht. Sela.

Weyl Got nun ein solcher ist gegen mir/ O so volget  
mir trewlich nach/ er wirdt vns allen so sein/ Ich habe  
erfaren/ darumb kan ichs euch tröstlich rathen/ Laßt  
jñnen Saul/ Babst/ Keyser/ König/ Fürsten vnd ye  
derman/ fürcht euch nicht/ hoffet auff Got/ Er fehlet  
nicht. Widerumb/ laßt Saul/ Babst/ Keyser/ Könige/  
Fürsten vñ yederman lachen/ trösten/ verheissen/ hoffet  
nicht auff sie/ verlaßt euch nicht drauff/ Sie sind vnges  
wiß/ beyde an leyb vñnd müt/ Leyb felt/ müt ändert sich  
Bald/ Got bleybt feste. Auff das jr also zñ beiden zeyten/  
es sey glück oder vnglück da/ auff Got euch verlaßet.  
Fehlet euch aber etwas/ wolan/ da ist gut rat zñ/ schüt  
tet ewer hertz für im auß/ flagets nür frey/ verberget im  
nichts/ es sey was es wölle/ so werffts mit hauffen her  
auß für im/ als wenn jr ewer hertz eyr gütem freunde  
gang vñnd gar eröffnet/ Er hörts gerne/ wil auch gerne



helffen vnd ratthen/ Schewet euch nicht vor jm/ Vnd  
dencket nicht/ es sey zu groß oder zu vil/ Getrost herauß/  
vnd soltens eytel secke vol mangels sein/ Alles herauß/  
Er ist grösser vñ vermag vnd wil auch mehr thun/ dan  
vnsere gebrechen sind/ Stücketes jm nür nicht/ Er ist  
nicht eyn mensch dem man künde zu vil betteln vnd  
bittens für tragen/ Vñ mehr du bittest/ ye lieber er dich  
höret/ schütte nür reyn vñ alles herauß/ tröpfle vñ zup-  
ple nit/ Dan er wirt auch nit tröpfle noch zippeln/ sund  
mit sindstut dich vberschütten/ Er ist vnser züuersicht  
vnser züflucht vnd sunst niemand/ Dan alle ander sind  
zügeringe/ das sie vnser hertzen künden lassen ausschüt-  
ten für sich/ Solt ich einen tropffen meyns hertzen her-  
auslassen für dem Keyser/ so müste er selbs eyn betler  
werden/ dann er künde mirs nicht setzigen/ was solt ich  
nich dann zu jm verschen/ oder zu jm züflucht haben/  
weñ ich mein hertz gar außschütten solte/ vnd solt das  
alle zeyt thun/ Es ist zu mall nichts mit menschen/  
wie volget.

9 Aber die menschen sind eytel/ die leute sind  
falsch/ Auff der wagen weren sie leychter denn  
eytel.

Was got ist/ hastu gehört/ Nun höre da gegen/ was  
menschen sind/ Es ist nichts mit ihnen (spricht er) ver-  
leßu dich auff sie/ so wisse/ dz du dich auff lauter nichts  
verleßest/ Es wirt dir gewißlich fehlen. Ja spricht er/  
weñ man solt auff eyne wage legen/ in eine schüssel/ die  
menschen/ in die ander/ eytel oder nichts/ so wurden die  
menschen leychter sein dan nichts. Solche Ertzeiche re-  
de machen wir teütschen also. Menschen sind weniger  
dan nichts/ was sie eytel heysen/ das heysen wir/ nichts  
Wie Salomon sagt/ Eccle. 1. Es ist alles eytel vnd eyn  
lauter eytel/ Das ist/ Es ist mit menschen thand nichts  
vnd lauter nichts.

Sie fragestu/ Wie ist der mensch nichts/ so er doch

Gottes geschepff vñ creatur ist? Antwort. Daud redet  
nicht vñ der creatur an jr selbs/ sunder vom brauch der  
creatur/ Das ist/ Der mensch ist wol ein güt ding/ Man  
braucht sein aber nicht recht. Ein Fürst/ König/ Keyser  
ist auch ein güt ding/ man braucht jr aber nicht recht.  
Wie so? Ey man wil auff sie trawen vñnd bawen/ In  
solchem brauch sind sie nichts. Warum? Sie sind vñ  
gewiß/ beyde jres lebens vnd hertzens. Sand vñ wasser  
ist auch güt ding/ Aber das ich drauff wölte eyn hauß  
setzen/ da weren sie nichts/ vñnd weniger dann nichts/  
Das ich aber wasser trincke vñnd mich wasche/ da ist  
nicht nichts/ sunder eyn köstlich nüzlich ding/ Dan es  
ist darzu geschaffen/ vnd das ist sein brauch/ Also auch  
Fürst/ König/ Keyser/ ist geschaffen/ das sie fride hal-  
ten im lande ic. Da sind sie Gottes creatur vnd eyn güt  
ding. Aber das ich auff sie trawen wil/ das ist nichts/  
Er spricht nicht. Nolite obedire principibus. Sed/ No-  
lite cōfidere in principibus. Confidere/ Gehört Got als  
keyne. Ich sol nicht dreck für gold verkauffen/ Dreck hat  
seinen brauch/ Aber das er solt gold gleich seyn/ das ist  
nichts. Dan du sihest das diser Psalm redet/ von eytel  
glauben/ trawen/ züuersicht verlassen/ welche nutz alle  
sind den menschen vnd Fürsten zu hoch/ Wie wol die  
welt nicht anders thut/ dann auff menschen trawen/  
vnd Got nichts vertrawen/ Das ist/ sie ist nichts vnd  
trawet auff nichts.

Wie sind aber die menschen leychter odder wen-  
ger dann nichts? Was kan weniger sein dann nichts?  
Antwort. Was nichts ist/ das betrugt nie man/ Aber  
wer auff das trawet/ das nichts ist/ der hat zweyerli-  
schaden/ Einen/ das er nichts findet/ Den andern/ dz  
er verleuret/ was er drauff wendet/ Dann wer schlech-  
t nichts hat/ dz hat eyn einfeltigs nicht/ vñ wendet nichts  
drauff/ Wer aber auff menschen trawet/ vber das/ das  
er nichts findet/ verleuret er auch das/ das er drauff ge-  
wand hat/ vnd wirt also seine hoffnung vñ kost auch



zu nicht/ vber dem nicht/ darauff er hofft/ Darumb ist  
recht geredt/ das ein mensch ist weniger dann nichts/  
Dass die welt leß jr trawen auff die menschen nicht/ So  
fehlets auch nicht/ das sie vmb sinß trawet auff nichts  
W ein herrlicher preß vnser aller dye wir menschen  
heissen/ das wir weniger sind dann nichts/ So sein kan  
einer dem andern helfen.

10 Verlast euch nicht auff vnrecht vnd ge-  
walt/ vñ seyt nicht eytel/ sellet euch reichthum  
zu/ so henger das hertz nicht dran.

Sie beschleust er den Psalm mit drewen vñ schreiet  
die gotlosen mit Gottes gewalt/ vorteyl vnd straffe. Vnd  
wil also sagen/ Es fähelt euch vnd thut euch so wol/  
das jr zu hofe seyt/ vnd an Saul einen gnedigen Herrn  
habt/ da seyt jr sicher/ lasset euch düncken/ jr sitzt feste/  
fragt nicht darnach/ ja lachet sein darzu/ das jr mit vn-  
recht thut/ schabernack vnd beschedigt mich vñ mein  
gleichē/ Wir müssen vñ euch leyde/ Man thar euch nit  
straffen/ Dann ewer herr helt vber euch/ da verlast jr  
euch auff/ Aber ich ratte euch/ das jr nicht so thut/ Seyt  
nicht züsicher vñ gewiß/ Seyt nicht eytel/ das ist/ bawet  
nicht so auff Fürsten vñ menschen/ welche nichts sind/  
dann damit werdet jr eytel nichts/ Das ist/ jr gehet mit  
nichts vmb/ vñnd richtet nichts auff/ wirdt euch auch  
alles fehlen.

Ja ich wil weyter sagen/ Wenn euch auch mit recht  
vnd von Got reichthum zu siele/ so verlast euch doch  
auch nicht drauff/ vñnd macht den mammon nicht zum  
Gotte/ dass gut wirdt nicht darumb gegeben/ das man  
drauff bawen vnd trogen sol/ welchs ist auch nichts vñ  
eytel/ sunder das man seyn brauchen vnd genießen sol/  
vnd andern mittheilen. Aber menschen lassens nicht/  
die bawen vñ trogen beide auff Fürsten vñ gut/ das ist/  
allenthalben auff nichts/ vñ handeln auff nichts/ Dass  
gut macht mit/ Es ist aber nicht gut/ vñnd erhelbt nicht

den mit. Das hertz dran hengen/ ist so vil/ als sichs an-  
nehmen. Nicht dran hengen/ ist/ sichs nicht annehmen/ vñ  
also haben als hette mans nicht/ Dann so lauts im  
Ebreischē. Ponere super cor/ oder Ponere in corde/ Sichs  
annehmen vñnd lassen zu hertzen gehen/ In den hebröen  
sol das gut seyn/ nicht im hertzen/ Wie Paulus sagt zu  
den Corinthern/ das wir der welt sollen brauchen/ als  
brauchte man jr nicht.

11 Den Gott hat ein mal geredt/ das hab ich  
wol zwey mal gehört/ das bey Got macht ist.

Das sagen wir auff teütsch also/ Eins weis ich wol  
des bin ich gewiß/ dass Got hats selbs geredt/ der nicht  
liegen kan/ das Got ein herr ist/ welchs ich mehr dann  
ein mal gehört habe/ Das ist/ Seyd nicht so eytel vnd  
gotlos/ Wo aber nicht/ sunder wolt auff menschen ja  
trogen/ Wolan so sage ich euch/ das bey Got macht ist/  
das er der rechte Keyser/ König/ Fürst/ vñnd Herr ist/  
auch vber euch vñ ewer herrn/ gleich wie vber alle/ das  
last euch gesagt sein/ Dass Got hats selbs gesagt darzu  
vnd ich hab auch oft gehört vnd erfahren/ wie ers be-  
weyset hat/ vñ die gewaltigē vom stül gestossen. Sehet  
zu/ das euch auch nicht so gehe/ mit ewerm herrn/ Last  
Saul/ Saul sein/ Last Keyser/ Keyser sein/ Last Für-  
sten/ Fürsten sein/ Last menschen/ menschen sein/ fürch-  
tet Got/ dass es ist ein einiges wörtlein/ das Got mach-  
tig sey/ Aber es hat ein groß vñnd manch geschrey/ man  
hats oft erfahren/ das so sey/ Er wirt warlich ewer auch  
nicht schonen noch fehlen/ ob jr wol yetzt in veracht vnd  
eytel seyd/ vñ vmb menschen willen vns belaydigt vñ  
vnrecht thut.

12 Vnd bey dir HERR ist güette/ das du be-  
zalest eym yeglichen wie ers verdienet.

Gleich wie er macht hat/ alle gotlosen gewaltiglich  
zu straffen/ vñ können jm nicht entwerden/ Da er ist  
alleynes Herr/ vñ alle herrschafft ist seyn vnd von jm/



Also widerumb ist er auch gütig vnd barmhertzig/das  
er den elenden hilfft/ vñ nicht leyden kan/ das sie solten  
gar vnter gehen/ vnd den heuchlern vñ Sauliten end-  
lich vnter ligen vñ verlassen sein/ Sunder wie geschrib-  
ben steht/ Luce. i. Gleich wie er die gewaltigē vom stül-  
stof/ also erhebt er auch die nidigen/ ihene durch seine  
macht/ dise durch seine gütē/ wie volget/ Das du ver-  
geltest ein yeglichen/ wie ers verdienet/ Den gotlosen  
vergilt er mit gewalt/ gleich wie sie gewalt haben geübt  
Den elenden vergilt er mit gütē vnd gnaden/ gleich wie  
sie gütig vñ gedultig on gewalt sind gewesen. Aber die  
welt fragt nichts darnach/ feret ymer fort mit item eytel  
vnd freuel. So lests auch Got geschehen vñ feret auch  
ymer fort mit seiner macht vnd gütē/ auff das des eynt-  
gen worts/ vnter allen andern Gottes Worten/ nür vil  
exempel werden/ vnd mancherley hystorien des eynt-  
gen texts geschehen/ wie er die grossen Hansen/ stözt  
vñ bricht/ als cyn mechtiger herr/ vnd den elenden ver-  
lassen hilfft/ als cyn gnediger gütiger vater/ So thet  
er mit Saul vñ David/ also thut er yetz mit dem Babst  
vñ dē Euangelio/ mit den Bischöffen vñ den Christen/  
Vnd wirts noch ymer mer thün/ Bis sie zu grund gehen  
vñ erfaren/ das war sey das David hie sagt/ Es sey cyn  
eyniges wort Gottes/ das er mechtig vñ gütig sey/ Aber  
es werde zu mal vil mal dauon gehöret vñ oft erfaren/  
Wer oren hat zu hören der höre.

## Der vier vnd neuntzigst psalm.

**H**ERR Got der rache/ Bich hefür/  
Gott der rache.

Dieser psalm/ wie man wol greyffen kan/ ist  
ein gemein gebet aller frommer Gottes kinder vnd geysti-

lichen volcks/ wider alle ire verfolger/ Also das er mag  
gebet werden von anbegin der welt Bis an ende/ von  
allen fromen gotseligen leuten/ sie seyen Jüden oder Chri-  
sten oder Patriachen/ dann sie müssen alle dise zu ge-  
meyne verfolgung leyden/ die in disem Psalm verklagt  
werden/ Als da sind zum ersten die Tyrannen/ die den  
leyb verfolgē vñ wirts willen/ mit gewalt. Zum an-  
dern/ die falschen lerer/ kexer/ vnd rotten/ die die seelē  
verfolgen/ mit lügen vñ heuchley/ Darumb mügen wir  
auch disen Psalm wol betten zu vnsern zeytten/ wider  
den Babst/ Bischöffe/ Fürsten vnd Herrn/ die vns leyb-  
lich mit gewalt verfolgen vñs Euangelions willen/  
Vnd wider die rottengeyster/ die vns mit falscher ver-  
fälschung der schrift geystlich verfolgen/ gleich  
wie die fromen rechten Jüden den selbigen gebettet ha-  
ben wider die Heydē/ so vñb sie her wütet vñ on vnter-  
laß verfolgten/ vnd wider die falschen Propheten/ so  
vnter in waren/ vñ mit verkertem verstand der schrift  
das volck verführten. So spricht er nun.

Ah Herr/ du ein got der rache bist/ Du ist/ der du al-  
leine d recher vñ straffer bist aller Bosheyt/ Beyde leybli-  
cher vñ geystlicher Bosheit. Vñ er setzt zweymal/ (got der  
rache) wie die pflegē zūthün die heftig vñ mit grossen  
ernst redē/ die selbige sagen eyn ding vil mal/ auff d; sie  
Got bewegen/ Doch auch daneben anzuheygen/ das er  
zweyerley verfolger verklagt/ vñ vñb zuo rache oder  
straffe bittet/ Beyde vber Tyrannen vnd Kexer. Es ist  
aber eine Ebreische rede/ das er spricht/ Got der rache/  
das ist/ welcher allein sol vñ kan rechen. Sölcher wese  
braucht S. Paulus auch oft/ als Ro. xv. Der Got der  
hoffnüg. Item Got der gedult/ vnd des trosts. Vnd. i.  
Cor. i. Gelobt sey Got der vater aller barmhertzigkeyt/  
vñ Got des trosts/ das ist/ Got der die hoffnüg/ gedult/  
trost gibt. Also auch hie/ Got der rache/ das ist/ der die  
rache thut/ das von seinen wercken/ gibt im die schrift  
namen. Weyl aber niemandt solche werck thün kan/



daß Got alleine/füret Billich auch niemandt die namen  
solcher werck/dann er alleine / Niemandt kan trösten/  
hoffend machen/ gedultig machen/ vnd so fort an/ daß  
Got alleine/Also kan auch niemandt die sünde straffen  
vnd das böse rechnen dann er alleyne / Daß wie solten  
menschen alle Bosheyt rechnen können/ so sie nicht müs-  
sen allerley Bosheyt kennen? Ja das mehr teyl für tugēt  
halten/ das doch böse vnd der rache werd ist/ wie die  
gleyßner ire lere vñ werck für güt achten vñ vngerochen  
vñ vngestrafte wöllen haben/ so es doch eytel zweyfel-  
rige Bosheyt ist. Darumb wil der name wol alleine Got  
eygen Gleyben/ Got der rache/ wie Got der gedult/ vnd  
Got der hoffnung.

Brich herfür (spricht er) Dann das wort Sophia/  
heyst ja/sich herfür thün/heraus brechen wie ein glantz  
vñ sich sehen lassen/vñ an tag künien/das es jederman  
sehe/Wie Mose spricht Deutero. xxxij. Der herr ist von  
Sinai künien/ Von Seit ist er auffgangen/ vñ vñ Pa-  
ran ist er herfür brochen. Also wil er hie auch sagen/  
Tyrannen vñ falsche Propheten haben vberhandt ge-  
nünien/ Die haben sich herauf gethan/ vnd lassen sich  
sehen/vñ gehen im schwand/Du aber schweygest stille  
verbirgest dich/ als werestu begraben vñ köndest nicht  
mehr/daß du werest vnd straffest nicht solche Bosheyt/  
Darumb bitten wir/ Brich doch auch eyn mal herfür/  
Fack herauf vnd laß dein antlig blicken wider sie/ Vnd  
das Billich/ Dann du bist ein Got der rache/dir gebürt  
ye zū rechnen vnd zū straffen/Reche dich doch selber/ Ist  
dann rache dein werck/ vnd ist yetz so hoch von nsten/  
warumb verbirgest du daß dich im finstern/ vnd ledest  
dich so gar nicht sehen?

Sie wil sichs frage/wie frumme geystliche leute mügē  
vmb rache bitten/ weyl Christus spricht/ Math. vi. Bit-  
tet für ewer verfolgter/thut wol denen die euch hassen/  
liebt ewer seynde. Summa/Es ist wider die liebe zum  
nehesten/ das man rache vnd straffe wünsche/ so man

sol vil mehr gūts thün vñ wünschen/Ro. xij. Antwort.  
Glaube vnd liebe sind zweyerley. Glaube leydet nichts.  
Liebe leydet alles. Glaube flücht. Liebe segenet. Glau-  
be sucht rache vñ straffe/ Liebe sucht schonen vnd ver-  
geben. Darumb wens den glauben vñ Gottes wort an-  
triff/da gilt nicht mehr lieben oder gedultig sein/sun-  
der eytel zürnen/ eyfern vñ schelten. Es haben auch alle  
Prophten so gethan/das sie ins glaubens sachen keine  
gedult noch gnade Beweyset haben/ Doch weyl der vol-  
gend Psalm wol erger ist/ vñ nicht alleyne rache bitter/  
sunder auch flücht/ wöllen wirs da selbst hyn sparen/  
vnd als denn weyter antwort geben.

## 2 Erhebe dich du richter auff erden/ Vergel- te den hoffertigen.

Gleych wie Got alleyne rechet ist/ so ist er auch al-  
leyne Richter auff erden/ Dann alles was die oberkeyt  
richter vnd rechet/ das geschicht auß seynem Befelh vñ  
ordnung/ als thet ers selber. Was sie aber nicht richten  
noch rechnen kan/das thut er/Auß das es alles war sey/  
das er alleyne der rechet vnd richter sey auff erden/ wie  
auch Psal. vij. spricht. Der Herr ist Richter vber das  
vold. Weyl er daß nun rechet vnd richter ist/bitten die  
frummen mensche/das er sich erhebe/dz ist/dz er sich hoch  
setze zū stül/als ein richter vñ Beweyse sein werck/ Laß  
se sich nit so vnter drückē/als sey er nichts. Er machts  
alles zweyfeltig in disem gebet/Got rufft er an als einen  
rechet vnd Richter/ als were es nicht genüg am rechet/  
Dann es ist im ernst/ vnd bittet wider zweyerley feinde/  
wie gesagt ist. Vñ ganz sein bitter er rache vber die Ty-  
rannen/vnd gericht vber die falschen lerer/Daß die Ty-  
rannen haben keynen scheyn/ faren mit gewalt/ drum  
sind sie der rache werd/ vnd schon verdampt/ Aber die  
totten schmücken sich vnd haben einen schein/ darumb  
müssen sie durch gericht vnd vrtel verdampt werden.  
Die hoffertigen maynet er hie nicht alleyne die ins



herz hochmütig sind / sind die mit verfolget vñ befürd  
(daß er beyde Tyrannen vñ Keger damit maynet) vber  
handt gewonnen habi / vñ obligen / als hetre sie schon ge-  
wunne vñ die frummen gedempft / welchs auch die art ist  
des worts hoffart / oder hochfart / das es heyst die hoch-  
faren vnd oben schweben / vñ das Ebreyisch wort Geym  
auch so laut / Wie auch von Got selbs Mose Exodi. xv.  
singen Der Herr feret hoch her zc. das der synn sey. Ist  
nicht zeyt zu richten vñ rechten : hastu doch geschwiegen  
Bisß beyde Tyrannen vnd Keger obligen / hoch her faren /  
prangen / als die gewonnen haben / vnd vns ganz vnd  
gar zedempft / das sie alles alleyn vñ wir nichts sind.  
Vnd weiß ich die zwey wort / Tyrannen vñ Keger nenne /  
wil ich allwege dabey verstanden haben / die zweyerley  
verfolger / aller frummen Gottes kinder / Auff das wir  
nicht not sey allwege die Heyden vnd falschen Propheten  
im alten Testament / die Tyrannen vñ Keger im  
neuen Testament / vnd die Fürsten vnd Schwärmer zu  
vnsern zeiten zu nennen / Daß ich wil damit deuten / als  
kerley verfolger des worts / so zu allen zeiten sind gewesen /  
noch sind / vnd sein werden / welche sind zweyerley / wie  
gesagt ist.

**3** **WIE** lange sollen die gottlosen /  
wie lange sollen die gottlosen sich freuen.

Das ist / Du lebst sie so ferne kumen / vnd vberhandt  
nemen / das sie sicher sind / vñ sich schon bereyt thumen /  
freuen / singen vnd tauchen als gewiß / das mit vns  
verloren sey / Vnd solchen triumph lebestu so lange we-  
ren vnd siehest zu / Nicht doch wol eyn frummer mensch  
denck / Es were nichts mit dir vñ mit deinẽ wort / Aber  
Gott thut mit anders / er leßt sie so faren / auff das wir bitt-  
ten sollen. Vnd die siehestu aber mal / das er zwey mal /  
gottlosen nennet / die zweyerley verfolgert zu vertragen zc.

**4** Sie reden frey her auß / halstarriglich / Al-  
le idelt heter reden.

Disen verstan man nicht so Teutsch geben / wie er  
stehet im Ebreyischen / Darumb müssen wir im helfen.  
Er wil also sagen / Beyde Tyrannen vnd Keger sind  
so gar mechtig worden / das die Tyrannen von ir dñg  
also frey waschen vnd plaudern / als sey ir dñg alleyn  
alles / vnd vnser dñg gar nichts / Desselbigen gleychen  
die Keger / haben sich auch auffß wasschen gegeben / dz  
man nichts höret / denn irer trewne / Vnser lere vñ glau-  
ben kan kaum dafür mucken / Denn so gehets / wo rottē  
vnd Kegercy auff kumen / die reysen eyn / vñ nemen zu /  
das man sunst nichts achtet noch hören wil / wie Pau-  
lus spricht / Got schickt vnter sie krefftigē irthumb / Vñ  
abermal / Sie stehen der warheit seer wider / Item / Die  
gottlosen nemen zu im bösen / verführen vnd lassen sich  
verführen zc. Darumb lautts im Ebreyischen also / Sie  
scheumen mit reden altes / Vnd alle vbelheter machen  
sich wassch hafftig / Gleych wie eyn siedend topff mit  
blasen scheumet vnd vbergehet / Also scheumen sie vnd  
gehen auch vber mit vilen gewesche / des ir herz vol ist  
denn es seud vnd Kocht vor grosser hiz vnd lust auff irer  
erewne / vñ können weder schweygen noch andern zu  
hören / Er nennet ir dñg dauon sie reden / Alt / das ist /  
steyff / fest vnd starck / das nicht new ist / Denn was new  
ist / ist noch nicht so gar angenommen / vnd helt noch mit  
feste / das kan man beugen / lencken odder endern / Aber  
was alt ist / das ist angenommen vnd helt hart vnd feste  
des ist man gewonet vnd bleybt gerne dabey. Alte hun-  
de sind nicht güt bendig zu machen / So kan niemande  
alte schelck frum machen. Also die Keger sind steyff vñ  
starrig auff irer lere / dauon sie vil plaudern. Also singet  
auch Zanna. i. Reg. ij. Last aus ewrem munde bleyben  
das alte. Vnd Psal. xxxi. Verstummen müssen die lippe  
so wider den gerechten reden altes / Das ist / steyff vnd  
halstarriglich. Vnd Psal. lxxv. Gebt ewer hays nicht  
an / oder redet nicht altes.



5. **HERR** sie haben dein volck züschlagen/  
Vnd deyn erbe gedemütiget.

Das thun die Tyrannen/so mit gewalt Gots wort verfolgen/töden vnd plagen die leute dumm / Ja die Keger halffen vnd rathen auch dazu. Das flaget er got vnd bit vmb rache/So theten die Heyden den Juden/die Römer den Christen / vnd yetzt vns die Bischöffe vnd Fürsten. Wie es aber ist ihenen gangen/so wirdts disen auch gehen/Denn solch gepet kan Got nicht verachten/da er vermanet wirt/das seyn volck vnd sein erbe verderbet wirdt.

6. **Widwen vnd frembdlings erwürgen sie/  
Vnd tödten die wayßen.**

So grausam sind die Tyrannen vnd Keger vnd so sicher/das sie nicht alleyn das volck Gottes verfolgen / sonder auch den elendesten im volck nicht schonen/als witwen vnd wayßen / welchen man doch billich solt für andern barmhertzig sein. Es ist ein vnbarmer hertzig ding/vmb die verfolger des wort Gottes/ denn der Teuffel reytet sie gar/mehr denn alle andere / Denn der Teuffel ist Gots wort feynd vber alle ander ding.

7. **Vnd sagen der HERR sihet nicht/Vnd der Gott Jacob merckts nicht.**

Nicht/das sie gar nichts vō Got halten/ Denn über Got hebt sich keyn hader/Sie bekennē alle Got. Ja die verfolger meynen Got sey mit in/vñ das sie Got dienst dran thun/wenn sie die frommen verfolgen/sonder vber dem wort vnd werck Gottes hebt sichs/da wollen die verfolger nicht/das es Gots wort sey/sonder verdammens/vnd halten die frommen für bößen vnd verführer/Darüb sagen sie/Last vns die verführer würgen/denn jr Got ist nichts/sie liegen was sie sage/jr got sihet weder böset/Vnd wirdt noch kan solchs an vns rechnen/ob er gleich wolt/So gar gewiß/steyff / vnd sicher saren sie

daher in irem synn vnd vnglauben.

8. **Mercke doch jr narren vnter dem volck/  
Vnd jr thoren wenn wölt jr klüg werden!**

Es verdienst den Propheten vnd billich alle Christen/das man den nicht wil für Gott halten / des wort sie rhümen/dumm schilt er sich mit in vmb Gots willen/seyne ehre zuuerteydingen/Heyst sie narren vñ thoren im volck/da sie doch eytel weißheyte fūrgen / vnd für trefflicher gehalten werden. Aber er spricht / sie sind narren vnd narren das volck mit sich.

9. **Der das ohre gepflanzt hat/solt der nicht hören! der dz auge gemacht hat/ solt der nicht sehen!**

Das ist/Vnser Got/des wort wir haben/des werck wir predigē/ist der rechte got/schepffer aller dinge/Vñ jr leset in vnd spricht/Er sehe vñ mercke nichts/Ewer Got ist vil mehr eytel vnd nichts / wie ewer gedanken sind/als hernach folget/So er denn der rechte Got ist/wie solt er andern das hören vnd sehen geben was in gut vnd nütze ist/vnd solt selber nicht sehen noch hören was in angethet/was wider in oder für in gethan wird So müste er etwas geben/das er selbs nicht hette/Thu er aber oren vnd augen gibet/müßt jr fürwar blinde tolle narren seyn/die in nicht kennen / das jr sagt / er sehe vnd höre nicht.

10. **Der die Heyden züchtiget solt der mit straffen! der die menschen leret/ was sie wissen.**

Das die Heyden vnd alle welt/straffen das böse vñ züchtigen die bößen kinder vñ bößen/bas haben sie vñ vnserm Got/der gibts in/das sie es wissen vñ thun Solt er denn selber nicht straffen vnd auch züchtigen können/die wider in böses thun? Künd jr straffen was böse für euch ist/solt er denn nicht straffen was böse für in ist/so jrs doch von in habet? Künd jr sehen vñ hören



ten was Böse oder gut Bey euch ist/ob jr wol narren vor  
im seydt/solt er denn nicht sehen vnd hören/was Böse  
oder gut vor im ist/so er euch gibt beyde sehen vnd hö-  
ren/gleich wie Christus spricht/Ründt jr guts geben  
ewig Endern wiewol jr arg seydt/solt denn nicht ewer  
vater vom hymel guts geben denen die in bitten/Denn  
Got gibt euch solchs/vnd alles ander zu wissen/was  
jr wisset/Aber solch schelten hilfft nicht/Sie bleyben  
auff irem alten vnd halbsirrigen kopffe/in irer eytel-  
keit/Darumb folget.

**11 Der HERR weys die gedanken der mens-  
chen das sie nichts sind.**

Als solt er sagen/Es ist vmb sunst/sie bekeren sich  
nicht/faren fort/vnd meynen/jr ding beyde das sie wi-  
der vns vnd für sich für haben/solle so hynaus gehen/  
Aber das ist das beste vnd vnser trost/das sie seyde wer-  
den/Denn Got lachet vnd spottet jr mit iren klügen ge-  
danken vnd trefflichen anschlegen/denn er weis/das sie  
eytel sind/Das ist/sie sind nichts vnd wirt auch nichts  
draus/wer es nur erharren künde/Denn es ist vmb eyn  
kleyne zeit zuthun/so wirt jr ding vor yederman zu ni-  
cht werden/wie es an jm selber nichts ist/Wie auch der  
xxiiij. Psalm spricht/Der HERR macht der Heyden rad  
zu nicht/vnd leyt feylen der völker gedancē/Aber des  
HERRN rad bestehet ewiglich/seynes hertzen gedan-  
ckē ymmer da. Vñ der ander Psalm zeuget auch dē Hey-  
den vmb sunst toben/vnd Könige vergeblich sich auff  
lehnen/vnd die Fürsten vnnütz rad schlagen/wider dē  
HERRN vnd seynen Christ. Denn er lacht vnd spot-  
tet jr doch/als die es nicht mügen hynaus faren.  
Vnd Psal. xxi. Sie wolten dir vñ bels thun/vnd erdach-  
ten anschlege die sie nicht kundten aufffaren. S. Pau-  
lus. i. Cor. ii. firt disen spruch also/Der HERR weys  
die gedanken der weysen/das sie eytel sind. Den die klü-  
gen vnter den leuten gehen am meisten mit anschlegen  
vmb

vmb/vnd wollen vil außrichten/yederman radten vnd  
die welt zu richten/Aber es feylet alles.

**12 Wol dem HERR/den du züchigest/  
Vnd lereest durch deyn geseze.**

Dancken sol man Got (spricht er) vnd ist eine grosse  
gnade/wer solchs weys/das der gotlosen anschlege vñ  
thun eytel ist vnd nicht bestehet/wie wol sie der sachen  
gewis sind/vnd ligen oben so gewaltig/das sie dauon  
rhümen/singen/sagen/waschen vñ plaudern/Aber der  
frummen sache müß nichts sein/ia man tödtet sie vñ ver-  
folget sie/wie droben gesagt ist. Sie kan nun vernunfft  
vñ natur nichts/vñ weys nicht/das solchs weysen  
nichts sey/das sie richtet wie sie fület/vnd denckt nicht  
weiter/sie kan das nicht sehen/das zukünftig vñ noch  
nicht da ist/Sie hanget am gegenwertigen/darumb  
spricht er/Got müsse hie zuchtmeister sein/vnd solchs  
lernen/Vnd wol denen/die ers leret. Wo leret ers aber?  
Richtet er eym yeglichen eyn besunders an? Mit rich-  
ten/sunder durch sein geseze leret ers/das ist in der hey-  
ligen schrifft leret ers vns/da finden wir die sprüche vñ  
exempel/die vns solchs sagen/wie der gotlosen anschle-  
ge vnd thun keynen bestand hat/vnd alle wege gefeylet  
haben/Dan sihe/wie es Pharao/Sihon/Og vñ allen  
Königen der Heyden gieng/vnd durch die ganze Bi-  
bel/so findestu/das in allzeit jr gedanken gefeylet ha-  
ben. Eben so spricht auch der. lxxiiij. Psalm von der got-  
losen glück/Ich dacht im nach/das ichs verneme/Aber  
es war mühe für mir (das ist/nach der vernunfft kund-  
ichs nicht vernemē) biß ich hynem gieng in das hey-  
lighumb Gottes/vñ merckt auff jr ende/das ist/in der  
heyligen schrifft fandt ichs/da leret ich sehen/nicht auff  
das gegenwertige/sunder auff jr ende/vnd wie es her-  
nach hynaus gehen wurde mit inen/Da sahe ich/das  
nichts mit in were/wie groß es auch scheynete.

Damit ist geantwort auff der schwachen frage/wen



sie sagen/du sprichst/es sey nichts mit der gotlosen thün  
vnd anschlegen/ Ich sehe aber wol/ das sie grosse ding  
thün: Antwort. Sie müssen ja etwas anschauen/ Aber da  
sihe auff/ wie sie es enden/ daß jr anschlege gehen nicht  
auffs anschauen/ sunder auffs aufffüren. Der grosse Altes  
rander sieng vil vnd grosse ding an/ das achtet er selbst  
nichts/ Aber sein anschlage vnnnd ende war vil grösser/  
Nemlich die ganze welt zu gewinnen. Ich maine aber/  
es seylete jm. Die Römer hattens auch im synn/ ein ewigs  
reich zu machen/ wie Virgilius spricht. Imperium sine  
fine. Ich mayne es seylete auch. Der Türcke hat yetzt  
auch vil gethan/ vñ hats noch vil grösser im synn. Aber  
der selbige synn müß jm auch feylen. Wie hats dise zeyt  
her so gewilich gefeylet/ dem Babst/ grossen Königen  
vnd Fürsten/ vnd feyler noch teglich. Noch fürchten sie  
Got nicht/ vnd lassen vñ jren gotlosen anschlegen nicht  
abe/ Glauben vnd Bitten Got nicht vmb gnade/ Des  
selben auch jm die sache nit/ darumb sihet man eytel sey  
len vnd fallen bey jm.

Doch wir reden hie eygentlich von dem fürnemen  
der gotlosen/ das sie haben wider Gottes wort vnd die  
frumen/ Daß weis ein gotloser wider den andern sicht/  
da gehe es wie Got wil/ da gehört diser trost nicht hyn/  
Daß die schrifft nicht die gotlosen tröstet/ gibt in auch  
keine verheissung/ Wie wol auch daselbst allzeyt die  
sichere vermessene anschlege feylen. Also ist das der  
schrifft trost/ das sie vns leret/ Nicht zu sehen/ wie es  
die gotlosen anschauen/ sunder warten vnd zu sehen/ wie  
sie es hynaus führen/ das sie im synn haben/ Sie ha  
bens aber im synn/ Gottes volck vnnnd wort schlechts  
zu vertilgen/ das gehet den den Krebs gang/ das sie selbs  
drüber zu scheytern gehen/ vñ Got mit den seinen bley  
bet/ ob wol zum anfang etliche getödt vñ verfolgt wer  
den. Also zeuget auch S. Paulus vñ der schrifft Ro. xv.  
Was geschriben ist/ das ist vns zur lere geschriben/ das  
wir durch gedult vñ trost der schrifft gedult haben/ wie

der volgend verß auch sagt.

13 Das er stille sey zur bösen zeyt/ Biß de got  
losen die grube bereydet werde.

Stille/ Das ist/ gedultig vnd nicht tobe noch zürne  
wider die verfolger/ welche im böse zeyt machen. Böse  
zeyt heysst er die zeyt/ da die Tyrannen vnd Ketzer tobens  
(das ist) jr ding anschauen/ Dann die Tyrannen verfol  
gen leyb vnd güte/ Die Ketzer verfolgen seel vnd geyst/  
Wie kan denn da güte zeyt sein/ da leyb vnd seele teglich  
in fertigkeyt stehen? Also redet auch sant Paulus/ Daß  
die zeyt ist böse/ Vnd stymmet zu mal seyn mit disem  
Psaln/ auch im nehesten verß/ der vns leret durch die  
heylige schrifft vns trösten vnd gedultig sein/ in aller  
ley verfolgung. Das ist aber kurz vmb die art des Euang  
gelij/ oder Gottes worts/ Wens angehet/ so sehet an bö  
se zeyt/ Ursache/ der Teuffel kans nicht leyden/ darumb  
feret er zu/ vnd erregt Tyrannen vnd Ketzer/ das nymer  
weniger fride/ nymmer böser leute sind vnd mehr erger  
nüß/ daß zur zeyt der gnaden vnd frides/ Das ist/ wenn  
man von Gottes gnaden vnnnd friden predigt/ welchs  
durchs Euangelion geschicht/ Da wundert man sich  
denn/ das die leute so böse sind mehr dann zuvor/ Aber  
es müß so sein/ Daß hie hörestu/ das er flagt vber böse  
zeyt/ vñ leret still vnd gedultig sein/ welchs man zur gü  
ten zeyt nicht bedarff.

Sölch stille vnd gedultig sein/ sol nicht ewig sein/  
Daß es ist schon das ende da/ daß die gotlosen werdens  
nicht aufffüren/ wie gesagt ist/ Ir grube vnd verderben  
ist fürhandt. Vnd wie S. Petrus disem verß zu stymmet/  
vnd spricht. Sie führen vber sich selbst eyen schnell ver  
damnüß/ Daß im Ebreischen mag diser Text auch also  
lauten/ Biß dem gotlosen das verderben gegraben wer  
de/ Verderben vñ grüben fast auff eins stymmet/ Nun  
solchs alles müß got leren zur bösen zeyt/ das man glau  
be/ der gotlose solle vntergehen. Vernunft dünckt nicht



anders/dann die frummen sollen verderben/vnd die got-  
losen ewiglich bleyben/so gar wußt leß sich an.

14 Denn der **HERR** wird seyn volck nicht  
verstoßen/Voch sein erbe verlassen.

Wie hörestu/das diser Psalm eygentlich redet von  
anschlegen der gotlosen/wider Gottes volck/Daß Got-  
tan die seinen nicht lassen/das ist gewiß/wie er hie sagt  
Darumb ist vnmöglich/das die gotlosen jr furnemen  
soltten hynauß führen/Es müß in seyn/es sey dann Got  
nicht Got/allerne das vmb eine kleyne böse zeit zuthun  
ist/darinn man stille vnd gedultig sey/das die gotlosen  
jr ding anfahen/vñ darnach zu schanden werden/Wie  
auch der. xcj. Psalm sagt. Du wirst mit deinen augen se-  
hen vñd schawen/wie den gotlosen vergolten wirdt/  
Sihestu es hie nicht/vñ in des getödtet wirst. so wirstu  
wider lebendig werden vnd in ihnen leben sehen. Die  
lebendige werdēs aber auch in disem leben sehen. Nun  
diser vers ist ein mechtiger trost vñ trost für die frum-  
men/vnd eyn schrecklich vrteyl wider die Tyrannen vñ  
Fetzer/wer es glaubt/Daß es wirdt gewislich so gehen/  
vnd wenn tausent vnd aber tausent Abste/Reyser/  
Fürsten/geleerten/Fetzer auff einander sessen/gleich auch  
wie der volgend vers sagt.

15 Denn das gericht wirt wider zu recht ku-  
men/Vnd dem werden folgen alle auffrichti-  
gen von hertzen.

So vil ich Ebreisch kan/dünck michs also lauten  
im Ebreischen/Daß gerechtigkeit wirdt noch das recht  
wider bungen/Das ist/wie wol zur bösen zeit gewalt  
für recht gehet/vñ heücheley für warheit/Aber zu letzt  
wirdt doch vnrecht vnd scheyn nicht bestehen/sunder  
gerechtigkeit wirdt kumen vnd offenbar werden/vnd  
das vnrecht zu schanden machen/vñ das recht preysen  
Vnd wie wol dem selbige nicht alle welt zuffallen wirdt

So werdens doch thun die frummen/vñ was redlich vñ  
auffrichtig ist/auff das also das recht doch bleybe/vnd  
vnrecht vnter gehe. Sihe Johannes Zus exempel an/  
der ist zur bösen zeit/mit gewalt vñ vnrecht verdampt  
Vest ist gerechtigkeit offenbar wordē/vnd preysen sein  
recht/da wider nichts hat mügen helfen/alles was bis  
her das ganze Babstumb/mit so vil Bannen/predigē/  
brennen/toben/hat versucht/jr anschlege sind doch zu  
nicht worden/Also giengs den Jüden mit Christo/den  
Römern mit den Chrusten etc.

16 Wer stehet bey mir gegen den Bosshafftis-  
gen! Wer tritt zu mir gegen den übelthetern!

Wie hebt er an Got zu danken für solchen trost vnd  
verstand/wil also sagen/In dem toben der gotlosen/  
war sunst niemandt der mir bey stünde/Ich war eyng  
vñ verlassen/yederman mainet es were mit mir auß/die  
gotlosen hetten gewonnen/Wie auch ein ander Psalm  
spricht. Herr/erbarme dich mein/daß ich bin cynig/das  
ist/niemandt tröstet mich/yederman verzag an mir/on  
Got allerne/der mein meyster vnd leyter ist/wie volget.

17 Wo der **HERR** nicht meyn helffer we-  
re/so müste meyn seele in der stille bleyben.

Es were mit mir verloren/die gotlosen füreten jr für-  
nemen sein vnd vol hyn auß wider mich/wens bey mir  
stünde/vnd an den leuten lege/daß sie legen mir alle ab/  
so zappelt mein hertz selber. Aber Got ist der mir gedult  
gibt/mich anders leret/vnd die gotlosen störet/vber  
vnd wider alle vernunft/Er leßts aber so greulich an/  
gehen durch die gotlosen/auff das er mich lere/das ich  
verloren were/on seine hilffe/vñ ich erkenne/das meine  
krafft nichts sey. Also ist diser vers mit den zweyen vol-  
genden/nichts daß eine danck sagüg für die gnade/das  
vns Got tröstet zur bösen zeit/wen die Tyrannen vnd  
Fetzer toben/wie wir gehört haben.



In der stille bleyben/ welchs Duma heyst auff Er-  
breisch/ ist ein ander stille dann droben gesagt ist. Nem-  
lich/ wenn eyn ding gar nichts mehr ist/ das man nicht  
mehr sibet/ noch höret/ noch fület/ wie die todten sind/  
die gar auß den augen vñ synnen künften sind. Darumb  
es bey den Ebreischen für die helle/ das ist/ für den ort/  
da die todten sind (es sey was es wölle) genummen wirdt  
So wil er hie sagen/ Mein seele/ das ist/ mein leben wet-  
re gar zu nicht wordē/ wie ein todt vñ vergrabē mensch  
Dann so war im zu synn zur bösen zejt.

18 Da ich dacht/ meyn füß ist gefallen/ So  
labet mich **HERR** deyne güete.

Das ist auch ein stück des dancks/ Darinne er zeyget/  
was er für gedanken hatte zur bösen zejt/ So dacht ich  
(spricht er) mein füß sellet/ Das ist/ ich fieng an zu ver-  
zweyffeln/ vñnd maynet nicht anders/ ich müste vnter-  
gehē/ vñ die gotlosē ewiglich bestehē. Daß ein yegliche  
rechte anfechtung sol also gethan sein/ das sie den men-  
schen ins verzweyffeln bringe/ vñ scheyne nicht anders  
daß das die widersacher gewonnen vñ er verlorē habe  
So kumbt daß die güte Gottes vñ labet in/ das ist/ er  
tröstet in durch die heylige schrift/ wie droben gesagt  
ist/ das die gotlosen nicht sollen hynauß füren/ vñ die  
seinen nicht verlassen werden.

19 Da ich viel bekümmernus hatte inwendig  
ergetzet beyne tröstunge meyn seele.

Der vers ist fast eynere meynung mit dem vorigen/  
Daß der vorige meldet die gedanken der verzweyfflung/  
so er hatte zur bösen zejt/ vñ wie er da labfal hat von  
Gottes gnaden in der schrift empfangen. Diser vers  
aber redet von den mancherley gedanken/ die einer hat  
in solcher verzweyfflung/ wie er wölle oder möchte da-  
von künften/ Da gedencet er hieher vñ daher/ vñ sucht  
alle winckel vñ löcher/ findet aber keyne. So spricht

nun. Do ich in solcher marter war/ vñ mich mit meinen  
gedanken schlug/ suchte hie vñ da trost/ vñ fandt doch  
nichts/ do kamest du mit deinem trost/ vñ ergetzet mich  
vñ hieltest dich freundlich zu meiner seele mit sprächen  
vñ Exempeln der heyligen schrift/ Das ich wol mag  
sagen. Selig ist der/ den du suchtest vñ lereest durch  
dein geseze.

20 Hat auch der vnseelige stuel mit dir ge-  
meynschafft/ Welcher arbeyt ertichtet mit ge-  
boten.

Pfu mal an/ was machen doch vnser lerer vñ pre-  
diger/ das sie solcho nicht auch leren wie man die seelen  
sol mit der schrift trösten/ wie gar gleychē oder reymen  
sie sich nicht zu dir/ vñ jr stül hat keyne gemeinschafft  
mit dir/ Du lereest gar vil anders dan sie/ Auff dem stül  
sizen sie/ Sie sind lerer/ die schlüssel zum erkentniß ha-  
ben sie/ Aber was leren sie? Jamer vñ hertenlayd le-  
ren sie/ Dann das wörtlein Sawoth heyst vnglück vñ  
hertenlayd/ wie wir auff Teütsch von einem buben sa-  
gen/ du wirst eyn vnglück anrichten/ Das ist/ du wirst  
ein vntugent begehen/ da dir hertenlayd vñ alles vbel  
begegē wird/ D; also vnglück hie alles beides begreiffe  
beyde die missethat vñ die straffe/ So nennet er hie den  
stül Sawoth/ die laydigen prediger/ die den leuten alles  
hertenlayd anlegen/ damit das sie vnrecht leren vñ le-  
ben/ dadurch sie dann in Gottes straffe fallen/ Binden/  
knüpfen vñ ir machen die gewissen können sie wol/  
Aber trösten vñ laben können sie nicht.

Also auch/ arbeyt tichten sie mit gebotten/ das ist/ sie  
tichten vil gesez/ gebieten diß vñ das/ vñ machen den  
leuten vil arbeyt/ Wie Christus spricht Matthei. xxiij.  
Sie Binden vntregliche bürden/ vñ legen sie den leuten  
auff den hals. Vñ das alles/ das man Got solle damit  
Bewegen/ solche plagen vñ verfolgung abzuwenden/  
Vñ wöllen schlechts mit wercken dem vbel weren/ da



sie doch solten gedult leren/ vñ auff Gottes gnaden vñ  
barmhertigkheit trawen. Gleych wie zu vnsern seiten/  
wen ein vnfall fürhanden ist/so predigt man/ das man  
Procession gehen / fasten / diß vñnd das thun soile.  
Summa arbeit macht man/nicht allein den leuten mit  
schrecklichen gebotten/ Sunder auch den glocken vñd  
ferzen vñd weyrauch/ vñd des gleychen/ Aber in des  
leret niemant gedult noch Gottes gute/ So haben der  
Juden lerer auch gethan/ wie er hie klagt/ Dann das  
wort Got/ dñ hie stehet/ heyst eygentlich die gebot so mä  
teglich ordenet vñ setzet/ welche man Ceremonias oder  
eussertliche geberde nennet. Vñd spricht/ das der laydige  
stül ertichte vñ erfindt sie/ Das ist/ Got hats in nicht be  
solhen/ sunder sie spinnen es auß irem eygen kopffe.

21 Sie rüsten sich wider die seelen des gerecht  
ten/ Vñd verdammten vnschuldig blut.

Das können sie auch wol/ das da sie trost vñd Gots  
tes gnade leren solten/ da stehen sie so feste vñd halten  
so steyff vber iren ertichten gebotten/ das/ wo man es  
nicht halten wil/ oder da wider redt ( wie dann die ge  
rechten thun) da ist keine gnade noch gedult/ sie rüsten  
sich wider sie/ alle waffen/ gewalt vñd krafft erregen sie  
wider sie/ Vñd müß diß der aller größte streyt/ die aller  
größte rüstunge sein/ das nicht genug ist am schwerdt/  
Sunder/ wasser/ feur/ erden/ lufft vñd alles müß wider  
solche gerechte sechten/ Vñd verdammten also vnschul  
dig blut/ da sie doch maynen/ sie thun Got einen dienst  
dian/ So gar nichts reymet sich ir stül mit Gottes ge  
setze vñd lere. Das sind die Ketzer vñd falsche lerer/ das  
von wir droben gesagt haben/ Aber wie die Tyrannen  
iren lohn empfangen/ also werden dise irem vrtel auch  
nicht entfliehen/ wie volgen wirdt.

22 Aber der **HER** ist meyn schutz/ Mein  
Gott ist eyn hort meyn zñuersicht.

Sie leren/ toben/ würgen/ wie sie wollen/ Ich bin  
doch wol sicher für in/ vñd gewaltigklich vertheidingt/  
Dann Got ist mein schutz. Vñser lere müß bleyben/ je  
tichten müß vñter gehen/ Das Got ist vnser schutz. So  
werden wir auch für inen wol bleyben/ es sey hie oder  
dort/ Das vnser Got ist vnser hort/ darauff wir trogen  
vñ sicher sind/ Nicht aber alleyn das/ sunder er wirdt  
sie auch/ dazü/ als eyn Got der rache/ vernilgen/ Wie  
volget.

23 Vñd er wird in jr vnrecht vergelten/ vñd  
wird sie in irer bosshheit verstören/ der **HER**  
vnser Gott wirt sie verstören.

Da stehet das endlich gewiß vrtel/ das Gott ire  
bosshheit wirdt nicht vngerochen lassen/ sonder sie alle  
verstören in irer bosshheit/ das ire bosshheit müß auff  
hören. Vñd das wirdt thun vnser Got/ Das ist/ Des  
wort wir füren/ welchen sie für keinen Got achten/ vñd  
meinen Got sey auff irer seiten/ wie wir droben gehört  
haben. Wer nun solchs glaubt vñd von Got ge  
lert ist/ der kan gedultig sein/ die gotlosen  
toben lassen/ vñd auffß ende  
schawen/ vñd der zejt  
erharren.

Ende.

X

D v



# Der Hundert vnd neunde -psalm.

## Der Titel.

Eyn psalm Dauids hoch zu singen.

**W**As das hoch singen sey / ist dioben gesagt / Den psalm aber hat Dauid im geyst gemacht von Christo / welcher redet den ganzen psalmen in seyner eygen person wider Juda den verhetzer / vnd wider das ganz Judenthum / vnd verkündigt / wie es den selbigen gehen werde. Also fñret auch S. Petrus diesen psalm Acto. i. von Juda / da sie an seyne stat Matthias welen / Nicht das er alleyne von Juda rede / sonder wie S. Petrus daselbst spricht / Juda sey dz haubt oder fñrnehmest gewest / das Christus gefangen vnd gemartert ward / Auch Christus selbst vor Pilato bekennet das Juda die gröfste sñnde gethan habe / das er in uñberantwort habe. Darñb gehet der psalm fñrnehmlich wider Juda / Aber doch auch wider alle die mit Juda sind vnd in seynem wercke bleyben vnd folgen / wie hie im psalm Christus selbst deñtet vnd spricht / So mñsse es gehen all die mit wider sind / Dñ also diser psalm von Juda anhebe vnd gehe vber alle die Judas art an sich haben / als da sind alle vberfolger vñ Kotten wider Christus wort / Denn die selbigen leñtern allhumal die warheit / vnd verfolgen die rechten Christen / Wider die selbigen ist diñ eyn schrecklicher psalm / Denn er flñcht vnd verkündigt so vil vbel den feñnden Christi / das etliche diesen psalm haben ins gerñcht bracht / das die Mñnch vnd Nunnē in sollen betten wider ire feñnde / Vnd wo er wider yemand gebettet wñrde / so mñste der selbige sterben / Das sind aber lñgenteydinge vnd merlin.

Warumb flñcht deñ Christus so vbel / der doch verpñnt vnd leret Matth. vi. man solle nicht flñchen / Vnd er auch selbst am Creutze nicht flñchet / wie S. Peter spricht / Sonder bittet fñr seine flñcher vnd leñterer / wie ich dioben auch von der rache fragte / Ist kñrlich die antwort. Liebe flñcht nicht / rechet sich auch nit / Aber der glaube flñcht vnd rechet. Das zuuerstehen / mñstu von cynander scheyden / Got vnd menschen / Personen vnd sachen / Was Got vnd die sache angehet / da ist key ne gedult noch seggen / sonder eytel eyfer / zorn / rache vnd flñchen / Als das die gotlosen das Euangelion verfolget das trifft Got vnd seyne sache an / Da ist nicht zu seggen / noch glñck dazñ zu wñnsche / sunst mñste niemant auch wider keyerey predigen noch schreyben / syntemal solchs nicht mag zu gehen / on flñchen / Denn wer da wider sie predigt / der wñnscht ja das sie vntergehe / vnd thñt das ergest vnd beste dazñ / das sie vntergehe. Das heñsse ich nu glaubens flñche / Denn ehe der glaube liefse Gots wort vntergehen / vnd keyerey stehen / er wñnscht ehe das alle creaturn vergiengen / Denn durch keyerey verleuret man Gott selber. Also ist das flñchen Christi in diesem psalm nicht vmb seyner person willē sonder vmb seynes ampts vnd words willen / das der Juden irthumb wil sich bestetigen vnd das Euangelion vntertretten / Da wñnscht er / das sie vntergehen sollen / vnd keyn glñck mit irem Judenthum haben / gleych wie Mose Num. xvi. bettet / Das Got Corah gapet nicht solt hñren / noch ir offer annemen / Darumb mñsse es geflñcht / vbel gewñnscht vnd rache gepeten seyn / wider des Euangelion verfolgung vnd irthumb / vnd wider die / so solch vnglñck treyben vnd anrichtē.

Aber die person sol sich nicht rechen / sondern alles leyden / dazñ auch dem feñnde gñts thun / nach der lere Christi vnd der liebe art / Denn hie regiert die liebe vñ nicht glaube / vnd gehet mich / vnd nicht den glaube an Als im gleychen / Eyn Christ mag richter seyn vnd den



in ſider verurtheilen vnd tödten/doch nicht vmb ſeinen willen noch das ſeyne drynne zu ſüchē/ſonder vmb der andern willen vnd von ampts wegen/Solchs iſt denn gleich ſo vil als hetz got ſelbs gethē/Den ſeyne ordnūg thūts. Summa/Flüchen vmb Gots wort willē iſt billich/Aber vmb deynen willen/oder dich ſelbs zurechen oder das deyne zu ſüchen/iſt vnrecht. Vnd in ſolchem flüch iſt ſeyn/das man Gottes namen nenne/vñ durch Got flüche/gleich wie mā auch bey ſeynē namē ſchwehret vnd ſegener. Also ſtehet geſchriben. iij. Reg. ij. Das Eliſa flüchet den kindern Bethel im namen des HERRN/das ſie die bern zuriffen. Vnd Sacharie. v. flücht der Engel also/Der HERR ſtraffe dich Satan/Vnd Paulus Acto. xxiij. Der Herr ſchlahe dich du getünchte wandre. Spricht er nu also.

**1** **G**ott meynes lobes/Schweyge nicht

**A**llemeyſt klagt er in diſem Pſalm vber die meuler der gotloſen/welche allezeit die lere Gots angreyffen vnd verdammen/damit ſie verſache gewinnen auch zu tödten die ſelbigē lerer/als thetten ſie recht/Vñ iſt der hader gang vnd gar vmb der lere willen/Darüb ich auch geſagt habe/das in diſem Pſalm der glaube vnd die ſach flüche vnd nicht die liebe oder perſon/Dz wil auch das er ſagt/Got meynes lobes/Als ſolt er ſagen/Du ſieheſt/das ſie allzumal mich vmb deyns worts willen ſchenden/leſtern vnd verdammen/Ich aber habe niemand der mich lobe/denn du mit den deynen/Darumb ſchweyge nicht/Das iſt/lobe/preyſe/verklere verzeydinge mich/vñ beweyſe/das ich recht lere/Gleich wie Chriſtus ſpricht zum vater/Verklere mich/auff dz dich deyn Sun verklere/Gib geiſt/thu wunder vñ zeichen/damit meine lere beſtätigt werde/So verklere ich denn vnd predige dich/das du rechter Gott vnd meyn vater ſeyeſt/ſo glaubt man denn mir/vnd werden beye

de verfleret.

Got meines lobes/wie wol es im Latinischen vnd Teutſchen laut/als das ich Got lobe/ So iſts doch im Ebreiſchen ſo vil geſagt/als/ Got lobet mich/oder ich habe niemandt der mich lobet/dann Got/Gleich wie das Pſalm. lxxviij. Got meins heyls/nicht heylt/das ich Got helffe/ſunder das er mir helffe. Vnd Got meiner gerechtigkeit/Pſalm. iij. heylt nicht/das ich Got gerecht mache/oder zum recht helffe/Sunder er hilfft mir/das ich recht bin vnd recht behalte/Also hie auch Got meins lobes/Das iſt/ Got helt vber meinem lobe. Er verfleret vnd ehret mich/weyl ich vmb ſeynen willen müß vertünckelt/geleſtert vnd geſchendet werden.

**2** Denn die falſchen meuler der gottloſen haben ſich wider mich auffgethan/Vñ reden wot der mich mit lügen zungen.

Das iſt/wie geſagt iſt/Sie beliegen vñd leſtern mich ſchendlich vñd ſelſchlich/das meyne lere/deyn wort/müß irthūb/kereriſch/auffrüriſch/vñ kdampt ſein/Darumb ſchweyge du nicht/vnd lobe mich wider ir ſchelten vnd ſchenden. So müß gehen allen Euangelij predigern.

**3** Sie bereden mich mit heſſigen worten als lenthaltē/Vñd ſtreytten wider mich on verſache.

Das iſt/ir gift reyſt weyt ein vnd friſt vñbſich wie der krebs/als Paulus ſpricht/das ſie vil verführen/vñ machen mich mit ſolchen heſſigen worten/ſandſelig vñ vnwerd für yederman/ſechten also wider mich on alle verſache/daß ich lere die warheit/derhalben ſie mir billicher ſolten zuſallen vnd beyſtehen/ſo ſechten ſie wider mich.



4 Dafür das ich sie liebe/sind sie mir wider/  
Ich aber bete.

On vrsache (sage ich) dann ich beweyse in vil liebe damit/das ich die warheyt inen sage. Aber für die liebe muß ich haß vnd heffige wort vnd nachreden empfangen. Was sol ich aber thun in solchẽ fall? Ich bete. So leret auch sant Paulus die Epheser. In alle dingen laßet ewer gebet mit bitten vnd dancksagung kundt werden für Got. Als solt er sagen. Was sol man doch thun? Sie können wolthat nicht leyden. Wolan/so muß mans Got Befehlen vnnnd sich zum gebet halten. Ach wie eyn from kindlein ist die welt/Vbels wil sie nicht haben/güts kan sie nicht leyden. Rat/was wil sie denn haben? Zellisch seht vnd den teuffel darzu/da ringet sie nach/das wirdt jr auch begegen.

5 Sie thun mir böses vmb güts/ Vnnnd haß vmb liebe.

Lieber/sihe wie nahe redet er vnserm Herr Got/vñ wie gewaltig er Betet. Sie haben doch keyne vrsache/(spricht er)das sie wider mich streyten/leret ich doch die warheyt/das weyßtu. So haben sie vil weniger vrsache das sie mir böses thun/dann ich thū inen eytel güts/so haßten sie mich. Das also beyde/meine rechte lere vnd gute werck vnd wunder von in gehasset vnd verfolgt werden. Was sol ich nun mehr thun? Was wil doch hie vbertig sein/dañ das sie werd sind/Beyde mein wort vnd werck zu verlieren? Das ist/Das sie verflucht werden/dann sie wollen schlechts keynen segnen noch güts. Nun mag nicht anders sein/dañ wer güts nicht wil/der muß böses haben/Wer nicht wil gesegnet sein/der muß verflucht sein/wie nun weyter auch volget.

6 Setze gottlosen über in/ Vnd der Satan stehe zu seyner rechten.

Schrecklicher gewaltiger fluch vnd vnglück hab ich in aller schrifft nicht gelesen/dañ diese zwen vers geben/welche alleine Billich solten erschrecken/vnd alle welt zusehen machen allen/die Gottes wort verfolgen vnd anfechten. An hie spricht er. Setze gottlosen vber sie. Dis segnen heyst Ebreisch/Pisad/das ist/Bestellen vnd ordnen zum ampt/wie man Bischoffe/Pfarrer/Prediger/oder auch weltliche Herrn vnd amptleute einsetzt. Also ist hie die meynunge/weyl sie mich vñ meine lere schlecht nicht leyden mügen/vnd wöllens aller dinge so haben/so laß gehen/Laß vber sie falsche lerer/Rotten geyster/vnd eytel gottlose Prediger vnter sie kummen/die sie eytel lügen/gottlose lere/vnd irrthumb leren/vnd von einem irrthumb in den andern führen/So wöllens sie es habẽ.

Darzu Sathan stehe zu irer rechten/Das ist/Der Teuffel durch seyne Apostel/reyte sie also/das/ob sie gerne herauß wölten vnd maynens fast gut/vnd sich stellen als wölten sie zur rechten vnd gerne recht vnd warheyt wissen/So sey der teuffel da vnd verstelle sich als eyn Engel des liechts/vnd hindere sie/halte sie mit solchem scheyn vñ schönen gedanken vñ Worten auff/vñ verstocke vñ verblende sie/das sie mit mügen herauß kummen/ob man inen gleych die warheyt so helle vnd dñre für legt/das sie es greiffen möchtẽ. Solche straffe sehen wir heutes tages in den Jñden/das sie nicht weichen von irem synn/ob sie wol wissen/das sie vberwunden sind mit der schrifft. Wer machts? Nicht vernunft noch menschliche blindheyt (dann die were zu lencken) Sunder/wie hie stehet. Sathan stehet zu irer rechten. Also haben alle Bezger gethan. So thun yetz vnser Rotten geyster vber dem Sacrament/So thut auchs Dabstumb.

Er redet aber als von einem vnd nicht von vilen/so er doch bißher vber vile geklagt hat/Dann es gehet fürnemlich vber den vertheter Jnda/welcher (wie gesagt ist)den hauffen fñret wider Chrustu als der haubts



man. Aber allen die seiner art sind/widerferet des gleychen/do er Christu nicht mocht hören/müßte er die gotlosen hohe Priester hören. Vnd ob er wol rewe hatte hernach/stellet sich/als wolt er recht faren/Kam er doch nicht wider/sunder verweyffelte/dann Sathan stünd steiff zu seiner rechten/vnd behielt in.

Von solcher straffe redet sant Paulus auch zu den Thessalonichern/das Got krefftige irthumb sende zu denen/die nicht haben die warheyt angenommen/vnd müssen der lügen glauben. Vnd Christus Johannis. v. Ich bin kumen in meines vaters namen/vnd ir nemet mich nicht auff/Eyn ander wirdt in seynem namen kumen/den selbigen werdet ir auffnemen. Eben so gehets yetz auch bey vns in Teütschen landen/Vnd wirdt noch mehr werden.

## 7 Wenn er gericht wird/müsse er verdampft ausgehen/Vnd seyn gebet müsse sünde seyn.

W furchte vnd demütige sich alle welt für Gottes wort/wie gewulich laut doch das: Alle sein lebē (spricht er) das er füret auff alle heyligste/vnd nicht anders maynet/dann er füre es nach Gottes wort auff alle beste/das müsse verdampft vnd für Got eyn vnchristlich Teüfflich leben seyn. Was hilfft sie nun so groß/streng/hartes leben: so vil fasten/zucht vñ der gleichen seyner werck: Dazü spricht er/wenn er betet zu Got (welchs sie doch fast starck treiben) sol nicht alleine vngehört/sunder auch sünde seyn/das sie durch ir gebet noch mehr verdampft werdē/wie Christus Math. xxiij. den heuchlern auch drawet/die lange beten.

Das wort/ Wenn er gericht wirdt/Ist von dem gericht gesagt/welchs durch die lere vñ predig geschicht/soman der selbigen mit dem werck volgt/dan im vorliegenden vers redet er vom predig ampt/Drumb ist diß gericht

nicht nicht anders/dan das recht oder lere/darinn das böse geurteylt vnd gestrafft/vnd rechts leben gepredigt wirdt. Also redet der. cxij. Psalm vñ dem predig ampt zu Jerusalem/Da selbst sitzen die stüle zum gericht. Vñ Isaia. ix. auch Jere. xij. sagen/das Christus solle mit gericht vnd gerechtigkeit regieren. Summa/das gericht oder recht/ist die lere/darnach sich die gewissen sollen richten vnd leben/das man das böse meyde vnd gütts thū. So sind nun diese gotlosen so geplagt/das sie gericht vnd recht holen/Das ist/sie lassen in predigen vnd rathen vnd böses straffen/vnd maynen/es sey so recht/faren herauß/thū also/vnd bringens ins werck wissen aber nicht/das solchs alles verdampft ist welchs sie gar für köstlich ding halten/vnd den hymel damit maynen zu verdienen/Dan die gotlosen haben ir wesen warlich auch ins regiment gefasset/straffen böses/loben güttes/vnd gehet sein im gericht vnd recht daher/gleich/wie bey den Jüden ir Chalmud/bey vns Christen das geystlich recht/bey den Türcken der Alkoran/Vnd ist doch alles verdampft teüfflich ding.

## 8 Seyner tage müssen wenig werden/Vnd seyn ampt müsse eyn ander empfangen.

Disen vers füret sant Peter Acton. j. da er spricht/Sein Episcopat müsse eyn ander nemen/Vnd deüters da hyn/das sant Mathias an Judas stat ist kumen/vnd ist recht/on das vns das Griechisch wort Episcopat/vnd nun Teütsch Bistumb/selzam lautet/die wie solche Bischoffe vñ Bistümbe sehen/der weder Judas noch sant Peter keynes gesehen hat/Dann Episcopus oder Bischoff/heyst eygentlich nicht anders dann eyn Aemptman/vñ Bistumb eyn Aempt. Vnd ist hie des worts gleychen das droben gesagt ist/Seze gotlosen vber sie. Kurz/es heyst/ampt vnd amptleüte/dann sie sollen Christus amptleüte seyn vnd seynen Befehl auß-



richten/ Das ist/ sie sollen predigen vnd helfen predigen. Wie das yetz die Bischöffe thün/ sihet man wol. Darumb haben sie auch das ampt verloren/ vnd sind andere an ire stat kumen/wie Mathias an Judas stat/ Dann sie sind Judas worden.

Wil er nun sagen/ Judas vnd sein volck die Jüden/ sollen billich das Apostel ampt haben/ vnd das Euangelion führen/ aber sie wollen nicht/ Darumb kumen Mathias an Judas stat/ vnd die Heyden an der Jüden stat vnd predigen das Euangelion/ das ihene predigen solten/ vnd inen verheissen war. Also/ weyl die Bischöffe nicht predigen/ vnd dem Pabst volgen/ irem Judas/ so sollen ander kumen/ die nicht Bischöffe sind/ vnd ire ampt führen vnd predigen.

Das ist/ das er sagt. Seyner tage müssen wenig werden/ Das ist/ er sol nicht lange bestehen. Diß ist auch leyblich an Juda vnd den Juden war worden/ dann Juda hieng sich bald/ so wurden die Jüden auch bald hernach von den Römern verstorzt. Vnd volget nun weyter/ wie es den Jüden/ Judas volck solle gehen/ daß wie gesagt/ er redet sunderlich von den Juden/ wie wol es auch alle gotlose lerer trifft auff seine weyse.

**9** Seine Kinder müssen wayssen werden/ Vñ seyn weyb eyn widwe.

Das ist/ des volcks der Jüden Kinder vñnd weyber solt so gehen/ Wie daß geschach/ do ire menner erschlagen wurden durch die Römer in der verstorzung Jerusalems.

**10** Vnstete müssen seyne Kinder seyn vnd beteln/ vnd suchen/ weyl ire behausunge verstorzt ist.

Alle plage/ die geystlich vnd leyblich sind/ ersetet er vber die Jüden/ Dann das volck sehen wir für augen/

wie sie seyd der zept irer verstorzung vnstete sind/ hie vñnd da außgetrieben werden/ vñd niergent gewiß sitzen/ vñd müssen allenthalben beteln/ nicht vnbs brot/ sunder vñnb wonung in landen/ Daß sie müssen an allen endē wonig sūchē/ seind ire wonung im Jüdischē landt verstorzt ist/ vñ haben niergent kein eygen landt/ stat/ dorff noch regiment. Vñd solt doch diser verß die Jüden wegen/ weyl sie sehen/ das inen allein vñd sunst keinem volck vñnter der Sonnen so gehet/ Dann kein volck ist/ es hat ja eygene Dörffer/ Stette vñd Landt/ on die Jüden alleynē/ die sind allenthalben vñd haben niergent nichts eygens/ Landt/ Stat/ oder Dörffer/ sind all zūmal vñngewisse geste vñd beteler.

**11** Es müsse der wücherer auß saugen alles was er hat/ vñnd frembde müssen seyne erbeyt rauben.

Es solt wol widersinnisch zū gehen/ daß diser verß sagt/ weyl die Jüden gerümbte wücherer/ yederman auß saugen/ wo sie sind. Aber der Psalm wil so vil sagen/ das sie kein glück/ sunder eytel vñnglück sollen haben an leyb/ seel/ kindern/ güt vñd ehre/ Dann ob sie gleich fast wüchern/ so kumbt eyn grösser wücherer dann sie/ vñd nymmet in doch/ wie das ander teyl sagt/ das frembde ire arbeyt rauben/ Dann es gehet den Jüden also/ das wenn sie lange samlen/ so kumbt eyn vnfall/ das man sie veriagt/ beraubt/ strafft/ vñd nimbt inen was sie haben/ wie sie wol wissen vñd teglich klagen.

**12** Vñ müsse niemand seyn der im wolchat be weyse/ Vñ niemand erbarme sich seiner wayssen.

Herr Got/ das ist all zū war/ Man helt die Jüden für hunde/ Vñd wer inen layds thū oder sie schabere  
E ij



nackeln kan/der leßt sich düncken/er habe wol gethan/  
Dann weyl sie vnd ire kinder nicht wöllen Chrißtu an-  
nehmen/ist keine Barmhertzigkeit da/vber die verstock-  
ten leute/noch leyden sie es/so feste stehet Satan zu irer  
rechten/vnd hoffen vmb sunst eins bessern.

13 Seyne nachkumē müssen außgerottet wer-  
den/ir name müsse in eynem glid vntergehen.

Hie kumbt er wider auff vile vnd spricht/ Ir name/  
nicht sein name. Das wir sehen/wie er vō eyn ganzen  
volck redet. Das ist alles erfüllet/seind der verstockung  
Jerusalem. Daß seind der zeit ist kein Jüdischer mensch  
kumen/der etwas were geacht in der Christenheyt vnd  
für Got/Sunder mit den Aposteln/welche die letzten  
waren die eyn namen behalten haben/ist ir gedechtnuß  
vnd namen gar auß/so sie doch vorhin/so vil väter vñ  
Propheten gehabt haben/der name biß auff heutigen  
tag nicht schweyget/Sunder ir lere vñ leben in aller  
welt prieset/der haben sie aber seind der zeit keinen ge-  
habt. Vnd ist also bey eines menschen gedechtnuß/alle  
ir name vnd ehre auß.

Dann das sie solten alle auch leyblich außgerottet  
sein/vnd vnter sich selbs keynes mehr gedechtnuß sein/  
das were wider die obgesagten versß/das ir nachkumen  
sollen betteln vnd elend leyden/Sol das sein/so müssen  
sie ja nachkumen haben/Aber bey Got vñ gottes volck  
gelten sie nicht mehr/wie doch ire vorväter vñ Propheten  
gelten/Sie warten wol auff eynen Propheten der  
gelten solle/Aber da wirdt nicht auß. Diser versß sagt/  
es sey auß mit inen gewest seind der Apostel zeit.

14 Seyner vetter missehat müsse gedacht  
werden vor dem HERREN/Vnd seyner mü-  
ter sünde müsse nicht veralget werden.

Serner (das ist dises volcks der Jüden) Vnd ist  
die meynung/Es müsse geschehen/das man in aller welt  
sage/wie S. Steffanus Acton. vii. zu den Jüden sagt  
Ir habt allzeit dem heyligen geyst widerstanden/wie  
ewer väter also auch ir/Daß so sagt man Billich/gleich  
wie der Jüden väter vnd müter/Das ist/ire vorfaren/  
allzeit den propheten vngheorsam waren/also sind yetz  
ire kinder auch/Daß sie glauben eben den selbigen Pro-  
pheten nicht/welchen ire väter auch nicht glaubten/ist  
einerley vnglaube. Setten ire väter geglaubt/so hetten  
sie die Propheten nicht erwürget/Glaubten die Jüde  
yetz den selbigen Propheten/so würden sie Chrißtu an-  
nehmen. Aber sie bleyben in irer väter sünde/so vergiffet  
sie Got auch nicht/vnd straffet so lange sie sündigen.

Ich möchte gerne wissen/was doch die Jüden zu  
disem Psalmen sagen künden/Sie müssen ye bekennen/  
das die schrift vō inen rede/wie S. Paulus Roan. sagt  
darzu zwingen alle versß/das sie vō eim Jüdischē man  
rede/der solchs vnter den Jüden leydet vnd flüchet/er  
sey Dauid oder wen sie wöllen/So stymet die erfahrung  
mit dem Text/das vber keyn volck solche flüche gehen  
vnter der Sonnen/daß vber sie/wol fünfzigehen hant-  
dert Jar lang. Dauids feinden ist ja nicht so gangen.  
Aber Ihesu Christi feinden den Jüden/gehors gleich/  
wie hie stehet/da kan man nicht für vber. Aber wie ge-  
sagt ist. Vernunfft were wol vberwunden/Satan stehet  
zur rechten vnd leßt sie es nicht verstehen.

15 Sie müssen sein vor dem HERREN alle  
wege/Vnd ir gedechtnuß müsse außgerottet  
werden auff erden.

Das ist/die selbigen sünde irer vorfaren (dauon ge-  
sagt ist) sey ymmer für dem HERREN/dann sie lassen  
auch nicht dauon/So kan Got ir gebet nicht erhören/  
noch ire werck annehmen/darumb bleyben sie auch ym-



mer für dem ZERREIß/ dz ist/ sie erregt ymmer dar auff  
 newe irer vater sünde/ durch ir verstockt hertz/ weyl sie  
 ymmer anhalten/ vnd bleyben also ymmer verdampfte  
 Jüden/ wie er sie droben gemalt hat. Darzū ir gedechtniß  
 wirt außgerottet auch auß erden/ Nicht das man  
 solte nichts von inen wissen/ sunder das man sie nicht  
 mehr fñret in predigen vnd exempeln/ wie ire vater vnd  
 Propheten/ Gleich wie der. xv. Psalm sagt. Ich wil ir  
 nicht mehr gedencken in meinem munde. Dañ gedechtniß  
 nūß in der schrifft/ heyst nicht/ das man eines gedencke  
 (sunst were Judas/ Pilatus/ Herodes ymmer im ge-  
 dechtniß) sunder das man in ehümet vnd lobet/ vnd  
 ein güt geschrey vō im hat/ welchs alles Juda vnd den  
 Jüden nicht geschicht/ sunder man schilt sie ymmer/ vō  
 der zeyt an da sie zerstört sind durch die Römer.

Sölchs ist alles von den Jüden in sunderheyt ge-  
 sagt/ welche sich an Christo selbs veründigt/ vnd Ein-  
 der vnd nachkumen haben. Aber die Ketzer/ Rotten vñ  
 Babstumb/ die nicht kinder haben/ haben auch ire plaz-  
 ge/ das sie zū letzt vnter gehen/ vnd ir gedechtniß auß-  
 gerottet wirt/ das sie nymmer gelten/ Wie yetzt dem  
 Babstumb geschicht/ dauon sunst genūg gesagt ist.

16 Darumb/ das er nicht dran gedacht/ dz  
 er wolthat beweysete/ sondern verfolgete den  
 elenden vnd armen/ vnd den mit betrübten her-  
 zen/ das er in tödte.

Droben im andern Psalm ist auch gesagt vō denen/  
 die eine hangende wand vnd zūstossen zaun vollend nit  
 der treten/ welchs er hie mit klaren Worten deutet vnd  
 spricht. Es sey ein solch böß Büben stück/ das sie sich an  
 eynen elenden/ armen/ vnd sunst genūg bekümmerten  
 menschen machen/ dem sie billich auff helfen vnd trö-  
 sten solten/ vnd wie er hie sagt/ wolthat beweyssen/ So

thun sie im das aller ergeß/ vñ helfen im nūr zum tode/  
 wöllen dannoch got einen dienst daran gethan haben  
 Gleich als zū vnsern zeyten auch vnser zornige Fürsten  
 vnd Bischoffe vñ geleerte heuchler/ lassen den Türcken  
 vnd irs gleichen wol mit freiden/ wie grosse Ketzer vnd  
 verfärer sie auch ymmer sind bey in geachtet/ die wand  
 stehet zū feste/ vnd der zaun wehret sich/ Aber wo etwa  
 ein armer Bürger/ oder elender Pfarrer vnd Prediger  
 ist/ der kaum das brot hat/ vnd alle not leydet/ an den  
 selbigen machen sich die zornige Fürsten vñ Bischoffe/  
 der muß leyden/ da haben sie eyne hangende wand vnd  
 gebeugeten zaun funden/ da werden sie Ritter hie auff  
 erden/ vñ verdienen darzū den hymel. Sie hat der  
 löwe eyne mauß gefangen/ vñ leß sich duncken/  
 er habe den lindwurm überwunden. Sölchs Adels  
 vnd Junkern ist Teütschlandt yetzt vol/ die in den Bier  
 heusern pestilenz vnd Deyts tanzen/ Vnd nūr das  
 messer stözen können wider arme elende weerloße leute  
 Als denn sind sie vom Adel/ Psu/ welch heylose leute/  
 ja sew vnd wilde thiere sind doch wir Teütschen/ das  
 so gar kein adeliche gedanck oder müt in vns ist/ auch  
 nach der welt.

Nun Got (spricht er hie) wirt ir widerumb nicht  
 vergessen/ daß er hat ire bößheyt außgerednet/ vnd ob  
 sie für der welt für frumme redliche leute werden geachtet  
 So helt er sie doch für mörder vnd böse wichter/ Dann  
 hie sihestu/ wes er sie zeychet/ vnd was er inen für na-  
 men vñ sache zū schreybt. Ersilich/ das sie nicht ge-  
 dencken ein mal wol zū thun dem armen vnd elenden/  
 Das ist/ sie sind vnbarmerzig/ auch gegen die elenden  
 Darumb sie auch on alle barmerzigkeit müssen ver-  
 derben/ wenn sie auch in not vnd elende kumen/ auff  
 das inen gemessen werde/ wie sie gemessen haben. Zum  
 andern/ das sie nicht alleyn vnbarmerzig sind/ son-  
 der verfolgen noch darzū die selbigen elenden zum todt  
 das ist doch vber die maß gestündigt/ wenn man auch



die elenden verfolget vñ würet/welchen doch die wil-  
den thiere vñ vnuernünftige creatur gerne helfen.  
Ja wer glaubt aber/das sie für solche bey Got gehal-  
ten werden/Vnd das solche gewaltiche vrtel vber iren  
kopffe schweben/ vñ alle stunde diewen: Da gehörien  
geystliche augen zu/ biß die erfahrung kumme/ wie den  
Juden geschehen ist.

17 Vnd er liebete dē fluch /der wird jm auch  
kumē / Vnd wolte des segens nicht/so wird er  
auch ferne genug von jm kumen.

Das ist/Er wolt schlechts verflucht vñ vermalet  
deyer sein/ vñ verflucht sich selbst/ so grosse lust hatte  
er zu seiner verfluchung/ Nicht das sie öffentlichen fluch  
lieben/ sonder der heylige geyst zeygt mit den worten ire  
gewaltiche tumberliche Blindheyt vñ verstockunge an/  
das sie das für seggen halten/welchs der ergeste fluch ist/  
Vnd widerumb das für fluch/welchs der edleste seggen  
ist/ Als do die Juden für Pilato vber Christū rüfften/  
Sein blut kumme vber vns vñ vnser kinder. Ich mayne  
ja/das sey ein fluch der sie noch hart gnüg drückt. Dann  
nocht hielten sie es für den besten seggen/ Daß sie dachtē/  
Vñ wir disen vbeltheter vmbbringe/ist wolgethā für  
Got/wöllens wagē/ wñ in ā vns drumb diewet/wissen  
wol/das eyn seggen dafür vber vns kummen wirdt/dar-  
umb laß frisch her gehen sein blut vber vns/Also wol-  
ten sie auch des segens nicht/ do sie in verurtheilten zum  
Könige zu haben/ vñnd sprachen. Wir haben Keynen  
König/ on den Keyser/ als solten sie sagen/ Der teuffel  
habe disen König/es were eytel fluchen vñ vnglück ic.

Also thut yetz das Bapstumb mit den seinen auch/  
Sie sind dem Euangelio feindt worden vñnd habens  
verdampft/was man in diewet/das halten sie für seggen  
Ja sagen sie/ der teuffel begere deynes Euangelio ns/ vñ

Got behüte mich für deinem gebet. Ich wil aber wagen  
vñ warten deynes diewens ic. Wenn nun solche leute  
schon keyn ander vnglück hetten/maynstu nicht/es sey  
vnglücks genug/ein solch verstockt/ verblendt/ verher-  
tet hertz haben/das weder sihet noch höret/ vñnd im  
schlechts nicht sagen leß/ feret da hyn/ vñnd maynet/es  
gehe im seggen vñ nicht im fluch/ vñ schencht den seggen/  
als einen fluch? O herr Got laß vns andere sünde thun  
denn solche/so wir ja sündigen sollen.

18 Vnd zoch an dē fluch / wie sein hembde/  
vñ ist in seyn inwendigs gangen wie wasser/  
Vnd wie öle in seyne gebeyne.

Sie zeygt er an wie tieff solche verstockung in iren her-  
zen steckt/vñnd wie fest sie sitzt/das sie schlechts nicht  
sind zu bekeren/Da ist verloren alle predig/vermanen/  
diewen/singen vñ sagen/Vñ er malet solchs mit drey-  
erley gleychnus ab. Zum ersten/mit dem hembd odder  
kleyd/Gleych wie ein mensch on hembd/odder on das  
nehest kleyd am leybe nicht seyn kan/den man nicht na-  
cket gehen sol/das also sein kleyd teglich an seynem hal-  
se sein muß/Also hanget den Juden auch an die ver-  
stockung/das sie den fluch lieben / Da ist keyn rath/sie  
kñnnen on solche verstockung nicht sein/ Ist auch ir teg-  
licheübung/gleych wie ein teglich kleyd am leybe han-  
get. Vber das meynen sie dennoch/es stehe in woll an/  
vñ sey recht vñ thun wol dran/gleych wie einem sein  
kleyd wol anstehet vñ thut recht/das ers trage / vñnd  
thete vnrecht/wo er on kleyd nacket gienge/Also die Ju-  
den meynen auch/sie theten schendlich ding/wenn sie  
die verstockung ablegten.

Zum andern/Wenn eyn mensch wasser oder sunst  
etwastreinet/denn durch wasser die keyseyche sprach  
allerley tranck/vñnd durch brod allerley essen versterhet)



vnd ist nu so fern hineyn kumen/das verdawet vñ zum  
fleysch vnd blüt worden ist/Wer wil das wider heraus  
bringen? Da hilfft keyn badt/schweyß noch erzney/es  
ist zur natur worden/vnd wie er hie sagt/in sein inwen  
diges kumen/es müß drynnen bleyben/vnd mit im/vñ  
er mit im zur helle ins ewig fewr farē/Also gehets auch  
den Juden/ire verstockung ist so ferne in sie kumē/das  
gleych jr natur worden ist/vnd können nu nyßer mehr  
anders thun/Noch meynen sie/es sey güt ding/ja es sey  
eytel labfal/vnd edler tranck der sie erquickē/dürst le  
sche vnd sie wol neere/Denn sie trincken vñd trencken  
sich teglich damit/vnd erhalten sich damit/gleych wie  
eyn mensch teglich mit trincken sich labet/kület/quickt/  
vnd erhelt/Denn sie leren vnd hören solche flüche/mit  
lust vnd grosser begirde/gleych wie eyn dürstiger mit  
grosser begirde trincket/Das heyst/meyn ich/den fluch  
lieben.

Sum dritten/redet er hie von öle/Das ist/von güt  
tem öle oder balsam/da man sich mit salbet/wie denn  
des bawm öles art ist/das es dem leybe seer nützlich ist  
macht gerade/starcke/gesunde/schöne vñd geschickte  
gelider/Derhalben die Kempffer ire leybe mit öle pfles  
gen zu salben. Wenn nu sich eyn mensch mit öle odder  
salben schmiert/vnd so ferne bringet/das durch beyn vñ  
marck gehet/wie denn die güten salben thun nach irer  
art/Wer wil das wider herans bringē: kan mans doch  
schwerlich aus flaydern bringen/Da hilfft auch keyn  
wasschen noch wischen/seggen noch keren/man müste  
beyn vnd marck sampt der salben zu schmelzen/vñ k  
me dennoch nit heraus. Also ist der fluch vnd verstock  
ung der Juden so gar durch hertz/müt vnd syn gange  
durch marck vnd beyn getrieben/das da keyne hilffe no  
ch rath ist/Sondern in der hellen zurschmelzt müssen  
werden/vnd doch nicht davon gefegt oder reyn werde  
Dennoch meynen sie in des/Es sey eyne köstliche salbe/  
vnd solche lere sey in so gesundt/als das öle dem leybe

vnd achten/sie werden damit starck/seyn/schön/angene  
me vnd gleyssend vor Got/wie das öle den fleysch macht  
vor den leuten/Schmierer sich ymmer damit/ye lens  
ger ye mehr.

Das sehen wir auch an den Juden teglicher erf  
rung wol/wie steiff vnd verstockt sie sind/von kind zu  
kindis kindern/So giftig vnd heftlich können sie von  
Christo reden/das vber alle masse ist/Denn sie haltens  
für eytel fluch vnd giff/was wir von Christo glauben  
vnd leren/Meynen schlecht nicht anders/den Christus  
sey ein böser bube gewesen/der vmb seynes bösheyt wil  
len sey gecrüzigt mit andern büben/Drumb wenn sie  
in nennen/so nennen sie in schmechlich Thola/Das ist/  
den erhengeten/Denn weyl sie das glauben/das Jhesu  
sus eyn bube sey gewesen/so kans nit anders sein/sie müs  
sen vns Christen für die aller tölichsten vnflätigsten leu  
te halten/so vnter der Sonnen sind/Weyl die vernun  
fft hie müß sagen/das/wenn heute eyn mörder geköpft  
würde/vnd morgens kumen etliche leut/vnd betten in  
an/vnd hielten in für eynen rechtē Got/das were doch  
vil herrischer/denn so yemand eynen floß oder steyn an  
bettet/vnd künde nicht herrischer sein. Zu dem schlegt  
nu/das wir Christen auch böse sind vnd böse exempel  
geben/Also werden sie allenthalben verstockt vnd geer  
gert/das solcher fluch müß wol durch beyn vñ marck  
gehen vnd so tieff vergifften/das sie nicht mögen her  
aus kumen/vnd den gecrüzigten Jhesu für eynen Her  
ren vnd Got haben/Vnd bleybt also bey in eyn lecher  
lich ding/das wir Christen eynen bübischen vnd ver  
dampnen Juden anbetten/als wenn wir Cain oder Ab  
salom für Götter anbetten/Da stecken sie/das öle ist in  
ire gepeyne gangen/das wasser verdawen sie on auffhö  
ren/O eyn schrecklich vnteyl vñd exempel Göttliche  
zorns.



19 So werde er jm / wie eyn kleyd das er an habe / vnd wie eyn gürtel / da er sich allerwege mit gürtet

Das ist / Es geschehe jm wie er wil / vnnnd der flüch / den er ja haben will / müsse jm anhangen / Müsse das Euangelion für gift vnd flüch vnd Christum für ey nen bissen halten / Er sey vnd bleybe also verstockt / das Got die hand abe thū / vnd gebe seynen geyst vnd wort nicht vnter sie / das sie bekeret werden / wie er auch Isa. v. diewet / Ich wil meinen wolcken gepieten / das sie nit vber sie regenen sollen / Nicht das gar keyn Jüde nym mer mehr zum glauben kumen müge / Denn es müssen noch etliche brocken vber bleyben / vnnnd etliche eynzele bekeret werden / Sonder das Judenthum / welchs wir das Jüdische volck heissen / wirt nicht bekeret. Es wirt auch das Euangelion nicht vnter sie gepredigt / auff dz dadurch der heylige geyst raum bey in sünde / sondern / wo sie beysamen sind / vnd ire schulen sind / da bleyben sie bey irem flüch vnd gift / das sie Christum verflüchē vnd iren gift für heyl / vnd flüch für seggen halten müssen. Aber nichts desto weniger springen zu seitten etliche von dem hauffen entzelen abe / auff das Gott den noch des Samens Abiabe Got bleybe / vnnnd sie nicht gar verstoffe / wie S. Paulus spricht Roma. xi.

Vnd hie siehestu / das er von dem teglichen kleyde vñ gürtel redet / nicht vom kleyde das im fasten ligt / odder vom gürtel der in der laden ligt / sondern den er teglich treget vnd anhat / zū bedeynten den verstockten synn / da non sie nymmer mehr lassen / vnd den verherten flüch / da mit sie teglich vmbgehen vnd nicht ablassen / vnnnd meynen / es stehen in wol an.

20 So geschehe denen vom HERRT die mir widder sind / Vnd reden böses wider meyne ne seele.

Das gepet in disem Psalm ist erhört / vnd wirt so gehen allen feynden Christi / fürnemlich aber den Jüde welche er sonderlich meynet / vñ das werck in der offentlichen erfahrung beweyset / Denn es ist alles zuthun vmb das wort oder reden / das sie wider Christum leren / flüchen / verdammen vnd lestern in / wolten in gerne vnter haben. Das heyst / sie reden böses wider meyne seele / dz ist wider meyn leben / wolten gerne / das ich stöbe vnd verdörbe / so hart sind sie mir wider. Aber der Got seynes lobes schweyget nicht / preysset vnnnd erhöhet in / ye mehr sie in verflüchen vnd verdammen.

Vnd hie mügen wir vns auch alle wol fürchtē / sonderlich alle Ketzer vnd falsche lerer / Denn es gilt in auch was Christus bittert. Wo der vnfall kumpt / das man in eynem flüch Christus meynung ferlet vnd eyne eygen meynung leret / Da gehets alles dahyn / vnd ist der ganze Christus verloren / wie er selbst sagt Matth. v. Wer der geringsten gepot eynes außlöset vnd leret die leute also / der sol auch der geringste im hymel seyn / denn nicht eyn jota oder tütel sol vergehen / 2c. Darnach fellet man drauff / vnd gehet solcher syn wie wasser in das inwendigste / vnd wie sie durch gebeyn vnd marck / vñ wirt das tegliche kleyd draus. Da hebt sichs denn / das eyn teyl das ander verflücht / vnd eyns yeglichen teyls lere ist dem andern teyl eytel gift vnd flüch / vnd seyn eygē lere eytel seggen vnd heyl / wie wir das sehen yetzt auch an vnsern Ketzer vnd Papisten / Sie ist denn verlorē / der hauffe bekeret sich nicht / Eynzele vnd wenig / welche Got erwelet / die kumen wider zu recht / Die andern bleyben in irem flüch vnd gift / wie die Jüden / vñ halten für löstlich ding. Das ist denn / das er hie sagt / wie alle feynde Christi lieben flüch vnd hassen den seggen / dabey sie auch bleyben. Darumb spricht auch S. Paulus Tit. iij. das man den Rottischen menschen solle meyden / nach zwo vermanunge / denn er ist verkeret. Ich habe auch nie gelesen / das die lerer / so Ketzer an



heben/Beferet sind/Sie Bleyben in irem dunckel versto-  
ckt/das sie ist durch marck vnd beyen gangen/vnnd ir  
wasser ist fleisch vnd blut/gantz ir natur worden/sie la-  
ssen in nicht sagen noch weeren/Das ist die sünde in  
den heyligen geyst/die keine vergebung hat/Deñ sie hat  
auch keyne büsse noch rewe/sonder verteydigung vnd  
entschuldigung/als sey sie heylig/Eßflich ding/vñ das  
recht Euangelio/so wider sie leret/eytel Teuffels ding.

21 Aber du **HER** **HER** thu an mir vmb  
deynes namens willen/den deyne güete ist lieb-  
lich/errette mich.

Sie leret er sich wider zu Got/vnd bit auch für seyne  
sache/das sie gefordert werde vnd oblige/dann es müß  
beydes sein/das die gotlosen endilich vnter ligen/vnd  
die gerechten gewinnen. Er spricht aber/seine sache sey  
nicht seyn/sunder Gottes selber/Dann das macht eynt  
dürstig vnnd freydig hertze für Got/zü bitten für sich  
wider die gotlosen/wenn man gewis ist/das wir vmb  
Gottes wort vnnd werck willen/handeln vnnd leyden/  
nicht vns selbs suchen. Dñmb spricht er. Thū an mir  
vmb deines namens willen/Das ist/ Du siehest ja/das  
die sache mich angehet/deinen namen/dein wort/deine  
ehre preys ich/so leßtern sie das alles/Leßestu mich/so  
verleßest auch deynen namen/Aber das ist vnmaß-  
lich. Was sol er aber an im thūn? Die liebliche güte/die  
freundliche wolthat/das er in errette/wie volget. Vnd  
errette mich/dann die errettunge ist lieblich vnd süesse  
denen/so in not vnd angst stecken/wie er spricht.

22 Denn ich byn elend vnd arm/Meyn hertz  
engstet sich in mir.

Das verstet man wol auß dem leyden Christi/das er

nicht alleine eufferlich elend vnd arm war am leybe/vñ  
yederman verlassen vnd verfolget/sunder auch inwen-  
dig betrübt vnd geengstet/vñ alle lesterüg vñ schmech-  
wort hören müste/Welche fast wehe thūn/auch allen  
frummen Chrißlichen hertzen/denen die warheyt Gottes  
lieb ist.

23 Ich gehe dahyn wie eyn schatte dahyn  
fleucht/vnnd werde außgesteubert wie hew-  
schrecken.

Saren wie eyne schatten/ist so vil als vnstete seyn/  
hyn vnnd her saren/wie der windt die wolcken treybt/  
das die schatte keynen gewissen/sichern/eygen ort hat.  
Wie Job. vii. stehet/von aller menschen leben geschri-  
ben. Der mensch lebt ein fleyne zeyt/vñ fleucht wie eyne  
schatte/vnd bleybt nicht. Glichen herst hie nicht wie die  
vögel stiehen/sondern wie Dauid für seynem sun Ab-  
salom floch/vnd Jacob für seynem schweher Laban/  
Auff Ebreysch Barah/Das so vil sey gesagt. Der men-  
sche müß weichen vnd dauon/er wirdt getriben vnnd  
kan nicht bleyben. Also spricht hie Christus auch/das  
seyn leben in der welt also sey gethan/das sie in nicht ley-  
den kan/iagt vnd treybt in von eynem ort zum andern/  
bis sie in gar veriage/wie der windt die wolcken treybt.  
Also gehet es dem Euangelio auch/Wyergend ist ley-  
delich/die welt webd vnd bleset so lange/bis sie es ver-  
iagt/mit seynen leeren.

Außgesteubert werden wie hewschrecken/ist eben  
dasselbige. Es ist bey vns aber finster vnd dunckel ge-  
redt/die wir des thieres Arbe nicht kennen noch seyne  
art. Wir heysßens hewschrecken/Es sind aber nit hew-  
schrecken/sondern den hewschrecken odder heymen ge-  
leych. Es ist eyn gemeyn thier inn Morgenländern/vñ



die Parther vnd Moren effens/darzu auch vnser hew  
schrecken vnd zeymen/wie die Walen froch vñ schne-  
cken effen. Sant Johannes der Tauffer hat auch die  
selbigen Arbe gessen/wie die Euangelisten schreyben.  
Es sind aber solche thierlein die keyne augen haben/  
scharren aber seer mit den flügeln/darumb halten sie sich  
zusammen vnd stiegen mit grossen hauffen on König/  
wie Salomo sagt in seinen Sprüchen am. xxx. vnd wo  
sie nider fallen/da fressen sie auff alles was grünet/das  
in den selbigen lenden ein Landrecht ist/des jars drey  
mal sie zu vertilgen mit mans krafft. Ein mal wenn sie  
eyer legen. Zum andern/wenn sie aufgeheckt haben.  
Zum dritten/wenn sie erwachsen sind. Vnd ist eine sun-  
derliche landplage von Got/wenn sie kummen/wie eyne  
theure zeyt/ Pestilenz/ oder Krieg/wie Egypten landt  
auch damit geplagt wardt/Exodi. viij.

Zweyerley weyse werden sie gedempfft/eyn mal mit  
waffen vnd mans krafft/wie yert gesagt ist. Zum an-  
dern/das ein windt kummt (von Gottes ordnung) der  
sie nimbt vnd wirfft ins neheste Meer oder See/wie in  
Egypten geschach. Also schreybt Isata vom Könige zu  
Assyrien/das sie sollen gescheycht vnd verlagt werden/  
wie die Arbe wenn man vnter sie rumpelt. Desselbigen  
gleychen Nahum cap. ij. spricht auch/das die Fürsten  
zu Ninne sollen züragt vñnd zu scheucht werden/wie  
die Arbe. Das man wol sihet/wie die Propheten diser  
gleichniß gebraucht haben/wenn sie wollen reden/von  
einem verlagten vnd vertribenen Könige oder person/  
gleich als wir in vnsern landen möchten sagen vo den  
Dolen oder Freyen/wenn man sie auß iren nesten mit iren  
jungen vertribet vnd verlagt. Also wil nun hie Chri-  
stus sagen/Er sey vertriben/zü strewet vnd zü scheucht  
zü steubert wie die Arbe/Welchs auch geschach/do er  
gefangen/vnd seine Jünger in verliesen vnd zü strewet  
wurden. Wie es den noch teglich gehet vnd allzeyt gan-  
gen ist!

gen ist/das/wenn sich eine verfolgung wider die Chri-  
sten vnd Gottes wort erhebt/ein gescheych/gelegte/vñ  
zurtrennen hebt/Das wol diser versmag Christus vñ  
seiner Christen Titel heysen. Vnd diß Ebreische wört-  
lein Naar/heysset außsteuben/oder außschütteln/wie  
man eynen mantel außschüttelt oder außsteubet. Vnd  
wir reden auff Teütsch also/wir haben sie außgesteu-  
bert/Daher man die jaghunde Steuber nennet/die die  
hasen vnd wild auff scheuchen vnd steubern/das die  
hasen auffaren vnd dahyn wischen/hie vnd daher wie  
staub/Das heyst züstoben vnd züstogen/wie der windt  
den staub züstrewet/Vnd die hunde die winde heysen/  
auch dem wild vnd hasen thun. Wenn nun Christus  
so spreche/Ich werde/außgesteubert/wie das wild von  
steubern vñnd winden wirdt außgesteubert/ So were  
es fast leicht/vnd leicht gewest vns Teütschen.

23 Meyne Enye sind schwach von fasten/  
Vnd meyn fleysch ist mager das keyn fet hat.

Das ist/Sie sind vol vnd satt/Ich aber müß hun-  
ger vnd not leyden/Wie auch sant Paulus sagt zu den  
Corinthern/Wir leyden hunger vnd durst/Das Chri-  
stus vnd seynen jünger oft an speyse gemangelt habe  
ist keyn zweyffel/dan er war ja arm/vnd die reichen ga-  
ben jm nichts. So wil er nun sagen/Was machen sie  
doch/das sie mich verfolgē/der ich so arm bin/hab ich  
doch weder gelt noch güt/Ja solte ich von jnen erneeret  
werden/ich müste wol hungers sterben. Nun thun sie  
nicht alleyn das/das sie mich nicht neeren/sunder ver-  
folgen mich auch darzu/Dan so sols auch gehen in der  
welt/das die rechten Prediger/nicht das brodt zu essen  
haben/allen mangel/iammer vnd not leyden/Die ver-  
fürer aber sollen genüg haben/Ja groß Fürstenthumb



Befügen/auff das diser verß war bleybe/Christus müße hunger vnd not leyden/Daß diser verß wil nichts/dan das man Christum vnnnd die seynen nicht neeret in der welt/sunder auch verfolget/wie er daß sagen wirdt am jüngsten tage/ Ich war hungerig vnnnd ir speyset mich nicht.

24 Vnd ich war ir spot/wenn sie mich ansahen schüttelten sie iren kopff.

Der vorige verß sagt/wie die welt Christum nicht neeret/disser sagt wie sie in auch nicht ehret/sunder spot tet vnd veracht. Summa/güt/ehre vnd leben kan die welt Christo nicht gönnen/sondern armüt/not vnnnd elende müß er tragen/schande/hon vnd spot müß er haben/schmerz vnd todt müß er leyden/sampt allen den seynen. Also wil er nun hie sagen/Was ich redet oder thet/das müß verspottet seyn/Da rümpften sie die nasen/schüttelten den kopff vnd warffen das mauß auff/sie hielten für narheyt vnd nichts. Was solt ich doch mehr thun: Alles göts thet ich in/So thun sie mir alles leyd/wie er droben sagt. Sie thun mir böses vmb göts alles böses vnd vbel leyd ich von in/nach wöllen sie meyn nicht. Wolan so mügen sie faren. Sie haben keyne entschuldigung/Ich hab mehr denn genög bey in gethan.

25 Stehe mir bey **HER** mein Got/zülff mir nach deyner güete.

Da beschleußt er den Psalm/das Got wolte mit im seyn/vnd der Jüden vnd aller seyner seynde Bosshet/dazü seyne gerechtigkeit/offenbar machen/damit sie

zu schanden werden/vnd er bey ehren bleybe/vnd das alles vmb seyner güete willen. Denn bißher hat er angezeigt/was für flüch vnd vbel im widerfare/durch ie verstocktes vnd verblendtes hertz/Tun bittet er/das solchs durch Göttlich vryel auch für aller welt offenbar werde/auff das auch der scheyn vnd das gleyssen/das sie noch haben/abgenumen werde/vnd vor aller welt zu schanden werde/vnd also beyde in sünden vnd schanden müssen strecken bleyben/wie wir dann sehen/das den elenden Jüden yetz gehet.

26 Das man erfare das diß beynehand ist/  
Das du **HER** solchs thust.

Ob sie es nicht mercken wöllen/das solchs alles/was du an mir vnd an inen thust/deyn werck sey/das doch für aller welt offenbar werde/vn yederman müße sagen. Wolan/das ist gottes werck/das die Jüden also gar vnter gehen vnnnd vnter ligen/Christus aber also oben schwebt/vnd zu nimbet/Menschen krefft hetten nicht vermöcht.

27 Fluchē sie so segene du/lehne sie sich auff/  
so müssen sie zu schanden werden/Über deyne knecht müße sich frewen.

Laß nichts gelten noch helfen/das sie mir vnd den meinen fluchen/Sunder ye mehr sie fluchen/ye mehr du segene. Vnd lehnen sie sich etwa wider mich auff/das laß nür bald vnd zu schanden werden. Ich maine/disser verß solte den Jüden schier bekant sein. Zülff Got wie oft vnnnd in vil landen halten sie eyn spiel wider Christum angericht/darüber sie verbandt/erwürgt/



vñ veriaht sind. Es fehlet nicht/weiß sie sich aufflehnen  
so künien sie in alle schande/werden temerlich verbrant  
oder veriaht. Aber Christus vñ die seinen bleyben frey-  
lich in Got/ als die dadurch bestetigt werden in irem  
glauben.

28 Meyne widersacher müssen mit schmach  
angezogen werden/ Vnd mit irer schande be-  
fleydet werden wie mit eym rock.

Da künbt wider die gleichnuß dioben vom fleyd  
gesagt/ das eyn teglich anhangen sey des fluchs/ Aber  
hie redet er von der öffentlichen schande für der welt/  
die sie vñ solchem fluch haben/ Als solt er sagen/ Gleich  
wie sie den fluch im geyst ansehen/ als ein teglich fleyd/  
also laß sie auch eyn öffentlich schandt fleyd eusserlich  
tragen/ damit sie für aller welt/ für meine seynde erkant  
vñnd veracht werden/ Das sünde vñnd schande zwey  
tegliche fleyder seyen/ sünde für Got/ vñnd schande für  
der welt. Vnd sonderlich nennet er hie den rock Mail/  
welchs auff Ebreisch heyst den langen rock der auff die  
füße gehet/ Als solt er sagen/ das sie eytel schande müs-  
sen haben/ von der scheyteln bis auff die versen.

29 Ich wil dem **HERN** fleysig danckē  
mit meynem munde/ Vñnd in rhümen vñter  
wilen.

Das ist/ an solchem vrteyl vñd werck/ wirstu das er  
langen/ das man dich von hertzen lieben vñnd loben  
wirdt/ als der du ein solcher Got bist/ der sich der elen-  
den so väterlich annimbt/ vñ leset sie nicht vñter ligen/  
noch die gotlossen/ iren trost hynauß füren/ Solchs

sprechen wir auff Teütsch also. Ach herr Got/ we-  
dich doch nicht rhümen vñd preysen/ für aller welt vñ  
an allen enden/ Das du so gnediglich den armē hilffst/  
vñ die stolzen/ verächter vñnd Tyrannen so gar mecht-  
iglich störest vñd straffest/ wie volget.

30 Denn er stehet dem armen zur rechten/  
das er seyner seele helffe von denen die seyn seele  
richten.

Das ist/ Gottes ewigs vñd teglichs lob/ das er sich  
der armen vñd nidrigen annimbt/ vñ nicht die grossen  
hansen vñ stolzen Tyrannen seyret/ wie sie doch may-  
nen/ Sunder er hilffst/ Ach ja/ er hilffst freylich/ nicht al-  
leyne auß zufelligen nöten/ sonder auch von denen/ die  
sein leben richten/ verdammten vñd vrteylen zum todt/  
als einen kexer vñd versüerer/ Dañ diß wörllein/ Rich-  
ten/ deütert hie die thenigen/ so im ampt sitzen vñd rich-  
ten/ als weltliche oberkeyt/ Dañ da halt mans nür frey  
für/ das weltliche oberkeyt nymer mehr wirdt gar vñd  
ganz Christen werde/ sonder allseyt das merer/ gröste/  
höchste teyl/ wirdt Christum/ sein wort vñd die seinen/  
verfolgen/ wie auch der ander Psalm sagt. Warumb  
toben die zeyden vñd die könige auff erden/ lehnen sich  
auff/ vñd die fürsten ratschlagen mit einander wider  
den Herrn vñd seinen gesalbten. Sie hörestu/ das der  
Könige vñd fürsten tugent sey/ wider Got vñd Chri-  
stum sechten/ das thün sie auch. Aber es gehet in auch  
widerumb darnach/ das sie porzeln vñd gestört wer-  
den von iren stülen/ einer nach dem andern da-

den von iren stülen/ einer nach dem andern da-  
hyn/ wie der selbige Psalm vñd  
andere mehr auch  
melden 2c.

Gedruckt durch Hans Zerrgot.

1 5 2 7



